

საქართველოს სამართლებრივი საქმის

№ 21.

5 მაისი, 1922 წელი.

№ 21.

ბანუის კონფერენცია.

ბანუის კონფერენციაზე.

(დებუმა საკუთარ კორესპოდენტისაგან)

კონფერენციის კომისიას ჯერ კიდევ არ განუხილავს მასზე წარმოდგენილ სახელმწიფოთა დელეგაციების მანდატები. მან მიანდო ეს საქმე სათანადო დასკვნისთვის ხუთ ექსპერტ-იურისტს კონფერენციის მომწვევე სახელმწიფოებიდან, ე. ი. ინგლისელს, ფრანგს, იტალიელს, ბელგიელს და იაპონელს. თავისთავათ მისახვედრია, განსახილველია უმთავრესათ რუსეთის და მისი „მოკავშირე საბჭოთა რესპუბლიკების“ მანდატები, — სხვა სახელმწიფოთა მიმართ მხოლოდ უბრალო ფორმლობას შეიცავს ეს.

როგორც ვიცით, მოსკოვის დელეგაცია ხან თავის თავს ეძახის საქართველოს წარმომადგენელს, ხან ბუდუ მდივანი გამოყავს ამ როლში. უფრო დასაჯერებელია პირველი ვარიანტი, რადგან ბუდუ მდივანი სრულიად მიჩქმალულია. ის ხის

„ბესტუი“ — მოსკოვის დელეგაციის სასახლეში, რომელსაც უდარაჯებენ იტალიის ხმელეთის და ზღვის სამხედრო ძალები, და მათ ემატება უმრავი ჟანდარმები და ჩეკისტები, გადაცმულნი თუ გადაუცმულნი, ერთმანეთში არეულნი. ერთმა ჟურნალისტმა მიმართა ბუდუ მდივანს ინტერვიუსთვის, მაგრამ მან ის რაკოვსკისთან გაგზავნა. სჩანს, არ დარჩენილან ადები კმაყოფილი მისი პირველი გამოსვლით პრესაში და პირში ბურთი ჩაუჭირათ და რაკოვსკი ძიძად მიუყენებიათ მისთვის.

ექსპერტებს ქონდათ მსჯელობა მანდატებზე და განსაკუთრებით შეჩერდნ საქართველოზე. მომხსენებელმა წამოაყენა სამი დებულება.

- ა) უმაღლესმა საბჭომ კანნაში არ მოიწვია აზიაში მდებარე საქართველო, ამიტომ არ შეიძლება ლაპარაკი არმოწვეულ სახელმწიფოს დელეგაციაზე.
- ბ) საქართველო რომ მოეწვიათ, იმ

კანონი კანონი

შემთხვევაში წარმომადგენლობის უფლება უნდა ქონოდა და აქვს იმ მთავრობას, რომელიც ჩვენ ვიცანით იურიდიულად და ემყარება ხალხის ნებისყოფას.

გ) მოსკოვის მთავრობას, რომლის ჯარებს ძალადობით უკავიათ საქართველო, და მის მიერ დაყენებულ თფილისის მართველებს არავითარი უფლება არა აქვთ საქართველოს სახელით ილაპარაკონ და ამიტომ მათი მანდატი, როგორც უკანონო, უკუგდებულ უნდა იქნეს.

დანარჩენი ექსპერტები საესებით დაეთანხმენ მომხსენებელს და გადასწყვიტეს ეს იურიდიული დასკვნა წარუდგინონ სამანდატო კომისიას.

ამ რიგათ, მოსკოვს და მის თფილისელ აგენტებს უტრუფდებათ იმედი, ვერ შეძლებს საქართველოსთვის ლეჩაქის ახდა და მისი ნების-ყოფის გაბათილება. საქართველოს საერთაშორისო სტატუტი ურყევი რჩება, ის ითვლება დამოუკიდებელ რესპუბლიკად, რომელიც მხოლოდ დროებით არის უცხო ჯარებისგან დაკავებული, როგორც დიდი ომის დროს იყო ბელგია, სერბია და სხვ.

ძნელი სათქმელია, დააღწევს თუ არა თავს კონფერენცია კრიზისს, იქნება უშედეგოდ დამთავრდეს იგი განსაკუთრებით რუსეთისთვის. აღსანიშნავია, რომ მოსკოვი ეძებს იურიდიულ ცნობას და იმავე დროს ფეხ-ქვეშ სთელავს ცნობილ სახელმწიფოს უფლებას! ასეთია ლოლიკა და სამართლიანობა იმ ვაჟბატონებისა, ვინც აქ ჩიჩერინის პირით ახალ სახარებას ქადაგებენ.

ანჩინი.

გენუა, 30 აპრილი 1922 წ.

გაგო და თფილისი.

გენუის კონფერენციამ წინააღმდეგობათა დიდი ხლართი გამოააშკარავა დიდ სახელმწიფოთა შორის. ანტანტა, რომლის მთავარი ძალა საკითხების თანხმობით გადაწყვეტაში ზღვობდა, დღეს შეიძლება ითქვას უკვე აღარ არსებობს. იგი გარეგნულათაც ვეღარ იცავს თავის მთლიანობას. აშკარა წინააღმდეგობაა რუსეთთან ეკონომიურ თუ პოლიტიკურ ურთიერთობის დაქვერადში, წინააღმდეგობაა საერთო პოლიტიკის ცველა დარგში. საფუძველი ეყრება ძალთა ახალ გადაჯგუფებას.

ასე დგას საკითხი კონფერენციაზე. მაგრამ მის გარეშეც არა ნაკლებ წინააღმდეგობებს აქვს ადგილი და ჩვენ გვგონია, რომ მთავარი ძარღვი ბრძოლის სწორეთ იმაშია, რაწედაც ოფიციალური სხდომები მდუმარებენ: ესა ბაქოს ნავთის წეარბები. იგი ბულანის შეთანხმების თანახმათ საჯაროთ განსახილველათ აკრძალვა-დადებულია, რადგან იგი ეკუთნის არა რუსეთს, არამედ აზერბეიჯანის რესპუბლიკას, რომელიც კონფერენციაზე მოწვეული არაა. მაგრამ მის კულისებში ბ-ნ კრასინს, რუსეთის ახალ აუქციონერს, ეს საგანი ერთ-ერთ რეალურ და ცველაზე მიმზიდველ საქარო საქონლათ აქვს გამოფენილი ევროპიელთა თვალების ასაჭრელელათ.

ბაქოა ცენტრი ბრძოლის და გურადლების. აქ ინგლისი ცთილობს თავის მონოპოლიურ ბატონობაზე. საფრანგეთი და ამერიკაც, რომელიც კონფერენციაზე წარმოდგენილი არ არის, — თავის მიუცილებელ მონაწილეობაზე.

როგორ გადაწყდება ეს საკითხი? რას გვიქადის იგი ჩვენ?

ძნელია გადაჭრით პასუხის გაცემა ამ კითხვებზე, ძნელია მით უმეტეს, რომ შეუზრგებლობა ამ საკითხში შეუძლებლათ ზდის მის ღიად და ნათლათ დაეწებებს. ევროპის დიპლომატიას ასეთ საკითხში თავის საიდუმლოების საფარველ ქვეშ უღვარს საქმეების მოქარაკება და მოპირდაპირის უკვე მომხდარ ფაქტის წინაშე დაეწებება. სამაგიეროთ საფრანგეთის, ინგლისის და ამერიკის პრესა ისე როგორც პოლიტიკური მოღვაწეები ამ საკითხს თავს დასტრიალებენ, ერთმანეთის საიდუმლოებას ააშკარავენ, და თავის პოზიციას ამაგრ-



ბენ. აქედან ირკვევა, რომ ინგლისური კომპანიები ნავთის წარმოების აღდგენის და მისი უცხოეთში გაზიდვის მონაპოლიას დაეძებნენ. ირკვევა ისიც, რომ ასეთი მონაპოლია ამ მსოფლიო მნიშვნელობის საგანზე და უდიდეს სიმდიდრეზე ყოვლად მიუღებელია ცველა იმ ქვეყნებისთვის, რომელთაც სერიოზული ფლოტი მოუპოვებათ, განსაკუთრებით საფრანგეთისა და ამერიკისათვის.

ვინ მოიგებს ამ ქიდილში?

ჩვენ ამის გარკვევას ამ ქამათ ვერ გამოვუდგებით. ჩვენ გვინდა საკითხის მეორე მხარეს მივაქციოთ ყურადღება: ესაა კავშირი ბაქოსა და თფილის-ბათომ შორის, ე. ი. კავშირი ბაქოს ბუდის—საქართველოს საკითხის გადაჭრასთან. ესენი კი მეტათ მჭიდროთ არიან ერთმანეთზე გადაბმული. დღეს ყველასათვის უდავოა, რომ თუ ბაქო უღვევლი წყაროა უსაქიროესი სათბობი მასალის, სამაგიეროთ თფილისი უდიდესი და უშლიერესი ცენტრია კავკასიაში ბატონობის, ხოლო ბათომი თითქმის ერთათ-ერთი კარები ამ სიმდიდრის გამოზიდვის. ამ რიგათ თუ პირველი ბატონობს ეკონომიურათ, მეორენი—გამგებლობენ პოლიტიკურათ და სტრატეგიულათ. დღემდე კავკასიის ისტორიაში, თფილისი იყო განმსაზღვრელი ბაქოს ბუდის. დღეს კი ბაქოს ბუდი ითრევს თავის მორევში თფილისს და ამით მთელ საქართველოს. ამას მოწმობს ბოლშევიკების უკანასკნელი თავდასხმაც, რომელსაც, თვით რადეკის სიტყვით ინტერნაციონალების თათბირზე ბერლინში, ბაქოს ნავთზე ბატონობა და მისი სარგებლობის უზრუნველყოფა ქონდა მოავარ მიზნათ დასახული.

და საქართველო ყოველთვის დიდათ მნიშვნელოვანი იქნება ცველასათვის, ვინც ბაქოს გაუწყდის ხელს.

როგორ უნდა მოვიქცეთ ჩვენ?

ქართველი ხალხი, თავისთავათ ცხადია ამ მსოფლიო სიმდიდრეს თავზე ცერბერით ვერ დაადგება და ჯარაულობას ვერ დაუწყებს. ეს მის ინტერესს არც წარმოადგენს. ჩვენი საზრუნავია მხოლოდ ერთი რამ: რომ ბაქოს ნავთს არ შეეწიროს საქართველოს დამოუკიდებლობა, და რომ ბოლშევიკების ჩადენილი ისტორიული ვერაგობა არ იქნეს დაფარული ნავთის საფანელით. ჩვენმა ხალხმა და ჩვენმა დიპლომატიამ

უნდა შექმნან პირობები—ეს უნდა მოვიხდინოთ კარათ და საყოველთაოთ,—ამ ბაქოს სარგებლობით თავისუფლათ და ხელშეუხებლათ სარგებლობის, ვის ხელშიაც უნდა იყოს იგი: პირდაპირ აზერბეიჯანის თუ სხვა რომელიმე სახელმწიფოსი, რომელიც მას ამა თუ იმ სახით და საშვავლებით მიიღებს.

ბაქო, მსოფლიო ბატონობის იარაღი, ჩვენი მხრით არ უნდა გახდეს და არც გახდება საგანი ქიდილის, ბრძოლის, წინააღმდეგობის. პირიქით ბაქოს მფლობელთა მიმართ სრული სოლიდარული მოქმედება და ჩვენი ეკონომიური პოლიტიკის ბაქოს ინტერესებთან შეთანხმება უნდა გახდეს საფუძველი ჩვენი მომავალი სახელმწიფოებრივი მოღვაწეობის. არავის არ უნდა მიეცეს მიზეზი და საბაბი საქართველოზე იარაღით წამოსვლის ბაქოს უზრუნველსაყოფათ. პირიქით თავისუფალი საქართველო, დამოუკიდებელი ქართული რესპუბლიკა ბათომ-ბაქოს მილის საუკეთესო და ცველასე საიმედო უზრუნველყოფათ უნდა გადაიქცეს, ხოლო მისი დამორჩილება და დანგრევა-დაბრკოლებათ. ერთი სიტყვით: ბაქოს გზა ბათუმისაკენ თავისუფალია—მაგრამ მხოლოდ თავისუფალ საქართველოზე—აი ჩვენი დევიზი. ხოლო თუ ეს კეთილგანწყობილება და წრფელი სურვილი ეკონომიური სოლიდარული თანამშრომლობის და ხელის შეწყობის ვერ შეაჩერებს იმპერიალისტურ ხარბ ხელს და ვერ აგვაშორებს დღეს ჩვენში გაბატონებულ უხეშ ჩეკმის ქუსლებს, მაშინ დაე იცოდეს ცველამ, ვისაც ბაქოზე უჭირავს თვალი: ბაქო მკვდარია და მისი სიმდიდრე ოხრათ შთენილი მათთვის, ვინც საქართველოს უბედურებასა და დამონებაზე მოისურვებს თავის ბატონობის ტახტის აგებას. და შემდგარი არიან ის პოლიტიკური მოღვაწეები, ვინც ქართველი ერის წმინდათა-წმინდის შებღვლით ფიქრობენ კავკასიის ელზე თავისუფლათ განავარდებას. კომუნისტების მაგალითი, რომელთაც იარაღით მოისურვებს ამ სამეზობლო ეკონომიური საკითხის გადაწყვეტა, და რომელთაც სამაგიეროთ მხოლოდ საერთო ზიზი და მუღმივი არეულობანი მოიძვეს, უნდა სათანადო შეთვისებული და აწონილ-დაწონილი იქნეს ცველასაგან, ვინც ბაქოს ეტანება.

ქართველი ერი ამ კითხვაში ერთსულოვანია.





გენუაში.

(10 აპრილის კონფერენციის გამო)

გენუის კონფერენციას ოფიციალურათ მხოლოდ ეკონომიური ხასიათი უნდა ქონოდა. მისი მიზანი იყო ოფიციალურათ ევროპის ეკონომიური აღდგენა, დანგრეულ რუსეთის განახლება და ასე საერთო კეთილდღეობის შექმნა. ფაქტიურათ კი, ვიცით, ეკონომიკა საფუძველია და მამოძრავებელი ძალა პოლიტიკის და გენუაც უდიდესი, უძლიერესი და დახლართული პოლიტიკური ბრძოლის ასპარეზათ გადაიქცა, სადაც შეიძლება სულ ახალი კომბინაციები და ძალთა განწყობილება წარმოიშვას.

გენუაში ყველა სახელმწიფო განსაკუთრებულ და ერთიმეორის სრულიად საწინააღმდეგო მიზნებით მოვიდა—ინგლისი თავის უსაზღვრო ბატონობის გასაგრძელებლათ რუსეთზე და განსაკუთრებით რუსეთის ნავთზე, რომელიც დღეს მსოფლიო ბატონობის უწლიერესი იარაღია. საფრანგეთი, რომლის მეთაურები იძულებით არიან იქ მისული, ცდილობს პირველყოვლისა გერმანიას და ბოლშევიკურ რუსეთსაც თავი არ წამოაწევიოს და ვერსალის ხელშეკრულების შერყვევა თავიდან აიცილნოს, რომ თავის დანგრეული რაიონების აღდგენა—ფაქტი გახადოს.

საბჭოთა რუსეთი, რომელმაც ყოველივე უკვე დაკარგა, მოვიდა იურიდიულ ცნობის და სესხის მისაღებათ, რომელიც ერთათერთი საშვალეება კომისართა მთავრობის გახანგრძლივებას.

გერმანია—აქ აპირებდა ევროპის ოჯახში დაბრუნებას დამოუკიდებელ პოლიტიკისათვის გზის გაწალდვას და, თუ შეიძლება, ვერსალის მძიმე ტვირთის შემსუბუქებას.

პატარა სახელმწიფოები, მცირე ანტანტა და ნეიტრალურნი, მხოლოდ ამა თუ იმ მხარეს ეკედლებიან, პოლონეთი და მცირე ანტანტა უკრო საფრანგეთისკენ იხრება, ნეიტრალურნი საშუალო ხაზს იღებენ. იტალია კი, როგორც ჩვეულებრივ, ინგლისის მისჩანჩალებს.

ასეთ პირობებში გაიხსნა კონფერენცია.

პირველ დღესვე 10 აპრილს იჩინა თავი სასტიკმა წინააღმდეგობამ. თავმჯდომარეობდა იტალიის მინისტრი პრეზიდენტი ფაქტა.

ლოიდ ჯორჯის ლამაზი და პოეტური სიტ-

ყვის შემდეგ მშვიდობიანობის, ^{საბჭოთა} ხმობის და კეთილდღეობის შესახებ, ბარტუმ—საფრანგეთის სახელით განაცხადა, რომ ის ითანამშრომლებს და ხელს შეუწყობს კონფერენციის ნაცოდებებს ერთის აუცილებელი პირობით, რომ მან კანნის კონფერენციის დადგენილებებს არ გადაუხვიოს და იქ გადაჭრილი კითხვები სადაოთ არ გამოიტანოს: უმთავრესათ კი ეს არის საკითხები ვალების ცნობის, ხელშეკრულებათა ხელუხლებათ დატოვების და მუშობლების მიმართ აგრევიობაზე ხელის აღების.

ჩიჩერინმა თავის სიტყვაში ამ საზღვრებს პირველ დღესვე გადაბიჯა: მან სადემოგოგიოთ უფრო, ვინემ სამოქმედოთ, განიარაღების საკითხი წამოაყენა; «აწრათ გვაქვს კონფერენციაზე შევიტანოთ წინადადება შეიარაღების საერთო შემცირების შესახებ და ხელი შევეწყნოთ ყოველივე ზომას, რომელიც მილიტარიზმის სიმძიმეს შეამსუბუქებსო» განაცხადა მან. ამით მას ერთგვარათ ევროპის საზოგადოებრივი აწერის მოგება უნდოდა და საფრანგეთის უხერხულ მდგომარეობაში ჩაყენება; თორემ ვინ არ იცის, რომ წითელი ჯარის გარეშე რუსეთის კომისრები თავის ხალხის რისხვასაც ვერ გადაურჩებიან!

ბარტუმ (თავმჯდ. საფრ. დელეგ.) ამაზე სასტიკი პროტესტი განაცხადა, დღის წესრიგში არ მდგარა საკითხი განიარაღების და არც შეიძლება ამაზე აქ ლაპარაკო. ჩიჩერინი კვლავ შეეცადა თავის წინადადება გაემართლებია: ბრიანმა ვაშინგტონში რუსეთი მოიმიზეზა განიარაღების წინააღმდეგ და აი ჩვენ თანახმა ვართ იარაღი ავიცაროთ, მაშასადამე ეს საბუთი ანით უქმნდებო. აქ კამათში ჩაერია ლოიდ ჯორჯი—რომელიც თავიდანვე ინიციატორი იყო ამ კონფერენციის და მისი ასე ვთქვათ მომვლელი და მზრუნველია... იგი ნახევრათ დამცინავი, ნახევრათ მფარველობითი კილოთი მიმართავს ჩიჩერინს და ურჩევს მას ზომიერებას არ გადასცდეს. «კონფერენცია იმ გემს გავს, რომელსაც მძიმე დღევაში უხდება მოგზაურობა. თქვენ ერთი მგზავრთაგანი ხართ და ნუ წამოაყენებთ ისეთ საკითხებს, რომელიც მის «ავარიას» გამოიწვევს, თორემ თქვენს პერსონასაც დაღუპვის საშიშროება მოელისო.. შეძლება მოგვეციოთ გაგიცნოთ ჯერ, როგორი





მგზავრი ბრძანდებითო». თავმჯდომარე ფაქტა კამათს დასრულებულათ აცხადებს და ჩიჩერინს სიტყვას აღარ აძლევს, ის სდუმდება. ბარტუ კი არ ემორჩილება მას და ენერგიულათ აცხადებს, რომ ასეთ კითხვებს ადგილი არ უნდა დაურჩეს. ფაქტა ადასტურებს, აღარ გადავცდებით მიღებულ პროგრამასა და ინციდენტი თავდება.

შემდეგშიაც ბოლშევიკთა დელეგატები არა ერთხელ შეეცადენ კომისიებში ამ საკითხის წამოყენებას, მაგრამ ყველგან სიტყვა გააწყვეტინეს და ჩააჩუმეს.

პირველ დღესვე 3 კომისია იქნა არჩეული: 1) პოლიტიკური (ანუ რუსეთის საქმეების კომისია), 2) ფინანსური და 3) ტრანსპორტის.

ამათში მთავარი პირველია. დანარჩენ ორში სპეციალისტები სხედან და თავის ცოდნას და გამოცდილებას იჩენენ, მაგრამ მათზე არც არავინ სწერს რასმეს, არც არავინ აქცევს სერიოზულ ყურადღებას.

კონფერენციის მოღვაწეთა მთელი ყურადღება პირველ კომისიის გარშემო ტრიალებს. აქ სწარმოებს ბრძოლა, აქ წყდება, თუ გნებავთ, ბედი კონფერენციის და რამდენიმეთ ვეროპის მომავალი ურთიერთობის.

ამ კომისიაში რუსეთის აღდგენის საკითხი ირჩევა, ან უკეთ რუსეთის ექსპლოატაციის, და საერთოთ კანონის რეზოლიუციის ასრულების. ინგლისელებს ამისთვის უკვე აქვთ თავის ექსპერტთა პროექტი და კომისიის მუშაობას ის უნდა დადებოდა საფუძვლათ. ბოლშევიკებმა ეს არ მიიღეს, ჯერ გასაცნობათ დრო ითხოვეს, შემდეგ კი პასუხისთვის მოსკოვიდან ინსტრუქციების მოცდა მოისურვეს.


აი ამ ხანებში მოაწია 16 აპრილმა, როცა გამოქვეყნდა გერმანია-რუსეთის ხელშეკრულება: ეს ყუმბარის გასკდომას უდრიდა. კომისიების მუშაობა შეჩერდა. საფრანგეთი ამ ხელშეკრულებამ წააწყვეტა დააყენა. ლოიდ ჯორჯი, რომელსაც, საზოგადო აზრის მიხედვით, უნდა ქონოდეს წინასწარი ცნობები ამ ხელშეკრულების დადების შესახებ, ერთხანს ძალიან აღელდა და ცხარედ ილაპარაკა ამ ნუხანათური და უადგილო აქტის წინააღმდეგ. მაგრამ როცა საფრანგეთმა კატეგორიულათ მისი გაუქმება მოითხოვა, მან ეს შეამსუბუქა და ბოლოს და ბოლოს გერმანიას მოთხოვეს—ან პირობის გაუქმება—ან რუსეთის კომისიიდან გასვლა, რუ-

სეთი კი როგორც უპასუხისმგებლო წარმომადგენლობა—სასჯელს გადაურჩა. მაგრამ ცხადი იყო, რომ გერმანიისთვისაც, რომელმაც რაკპალოს ხელშეკრულებით (ასე უწოდებენ ამ აქტს) რუსეთის ეკონომიურ აღდგენაზე მიიღო უფლება საუკეთესო პირობების (ნაიბოლევ ბლაგოპიატსტეუმში სტრანი) და სამაგიეროთ მხოლოდ გააუქმა ურთიერთობის ძველი ანგარიშები ვალის, ომის და კონსტრუქციებით წარმოშობილის, კომისიაში ჯდომა მიინდამინც დიდ საქიროებას არ წარმოადგენდა. ასე რომ სასჯელი უფრო მორალური ხასიათის გამოდგება, ვინემ რეალური. მაგრამ აქ დაიბადა მეორე გარემოება, რომელიც შეიძლება დიდი გართულების წარათ გადაიქცეს. რაკპალოს რეციდენტი დასრულებულათ გამოაცხადეს კონფერენციისთვის, მაგრამ არა სახელმწიფოებრივის, რომელთაც უფლება დაიტოვეს იგი უარყონ, რამდენათაც კი ის ეწინააღმდეგება ვერსალის ხელშეკრულებას.

ამით დამთავრდა თავი პირველი გენუის კონფერენციის.

აღსანიშნავია, რომ ამ რეციდენტში ლოიდ ჯორჯი წინასწარ ეთათბირა ბოლშევიკებსაც, გერმანელებსაც და მათი ნოტები მოკავშირეების მოთხოვნაზე რაკპალოს ხელშეკრულების შესახებ ამ თათბირების შემდეგ იქნა წარმოდგენილი. იბადებოდა იქვი, რომ ლოიდ ჯორჯი საფრანგეთს, თავის მოკავშირეს, ამ შემთხვევაში განზე უდგება და ზრიკებს უწოდებს—ხოლო გერმანია-რუსეთს აქეზებს, შეიძლება იმისთვის რომ საფრანგეთი ოპორტუნიაში უდგას გენუას, შეიძლება კიდევ უფრო იმისთვის, რომ ვეროპის კონტონენტზე დღეს საფრანგეთის ბატონობა ინგლისს უკუაში აღარ უჯდება. ლოიდ ჯორჯმა ეს გამოსტყვა კიდევ ერთერთ განცხადებაში, რომელიც საფრანგეთის პრესისთვის იყო დანიშნული. იქ მან აღიარა, რომ მას დასაშვებათ არ მიაჩნია ვინმეს გგგმონია ვეროპაში, რადგან ეს ეწინააღმდეგება მშვიდობიანობის იდეას და რომ ინგლისი, როგორც კუნძულები სახელმწიფო ბუნებრივით მოწოდებულია მშვიდობიანობისთვის საქირო თანამშრომლობა დაიცვას ვეროპის ერთა შორის.

შემდეგ რეციდენტებში ამ გათიშვის ტენდენციამ კიდევ უფრო იჩინა თავი.



საქართველოს
განთავსების
კომისიის

რაპპალოს ინციდენტის დათავების შემდეგ კომისიის მუშაობა განახლდა უგერმანელებით. ბოლშევიკების პასუხიც მოვიდა მოკავშირეთა მემორანდუმზე, რომელიც მათ 15 აპრილს გადასცეს ჩიჩერინს და რომლითაც მოითხოვეს: ვალების ცნობა, საკუთრების უტოვლათვის დაბრუნება და იურიდიული ნორმების შექმნა.

ბოლშევიკებმა თავის ვალების დასაპირისპირებლათ ანგარიში წარუდგინეს კონფერენციას ევროპის ინტერვენციით მიცნებულ ზარალის, რომელიც 50 მილიარდ ოქროს აღწევდა და მისი გასტუმრება მოითხოვეს. გამოდიოდა, რომ ევროპას მართებს მათი და არა მათ ევროპის. მოკავშირეებს ეს სასაცილოთაც არ ეყოთ. ლოიდ ჯორჯმა და სხვებმაც ეს მასხარათ აღეს და ბოლშევიკებს ბრესტილიტოვსკი თუ სხვა შეცოდებანი მოაგონეს. ბოლშევიკები არ დაცბნენ. და ამავე შინაარსის მემორანდუმი დაუწვეს დელეგატებს სტოლბზე. ამან კი დიდი პროტესტი გამოიწვია საფრანგეთის დელეგატის სეიდუს მხრივ, რომელმაც კომისიის სხდომა დასტოვა, ვალის საკითხი არ უნდა გახდეს ვაჭრობის და კამათის საგნათ კანონის გადაწყვეტილების თანახმათ.—მას გაცვა იაპონიის წარმომადგენელიც. კომისიის სხდომა დაიხურა. ბოლშევიკები შეშფოთდნ და თავის მემორანდუმი უკანვე წაიღეს, არ არსებულათ გამოაცდეს, ასე ვთქვათ, ჩაცლაკეს. მათ შემდეგ ნოტაში, რომელიც ლოიდ ჯორჯს წარუდგინეს, აშკარათ აცნობეს მას, რომ ისინი მხოლოდ მოითხოვენ, რომ ურთიერთობის პრინციპი იქნეს დაცული ვალების საკითხში, ესე იგი რომ მათ ამ პრინციპით რამე დაეკლოს ვალებზე. ამის წინანდელი ვალები სავსებით მიიღეს გადასახდელათ, ამის დროის ვალების შემცირება და პროცენტების გადადება მოითხოვეს, ხოლო უცხო მესაკუთრეების ანაზღაურებას ან არენდით თავის ძველი საკუთრების მიცემას დაპირდნ. შემდეგ შეასწორეს: ამის ვალები სულ უნდა იქნეს გაუქმებულიო. ამას გარდა ისინი განსაკუთრებით აწვებიან იურიდიულათ ცნობას და სესხის მიცემას მათთვის ამ ბრძოლის ხანაში გამოირკვა ერთი რამ: ლოიდ ჯორჯი უკიდურესათ დანტერესებულია თავის პირმშო შვილის გენუის კონფერენციის როგორმე რიგინათ, უმარცხოთ დამთავრებაში და რადგან საფრანგეთის პოზიცია ამ მხრივ მისთვის ყველაზე

მეტ საშიშროებას წარმოადგენს და მისი განხრა მას რჩევების მიცემით არ შეუძლია, იგი საფრანგეთს სასტიკ ბრძოლას უტყდადეს. იცო მომენტი, სეიდუს კომისიიდან გასვლის შემდეგ, როცა ლოიდ ჯორჯი პირდაპირ იმუქრებოდა: «ინგლისის დემოკრატიას ზავი სურს, და რომელი პორიზონტიდანაც უნდა მოდიოდეს ზავის წინადადება, ჩვენ იმას მივემხრობითო» ხოლო საფრანგეთს იარაღის ყლარუნში სდებდა ბრალს. საფრანგეთის ყველა წრეებში ამან დიდი მღელვარება დაბადა, პოლიტიკური სიტყვები წარმოსთქვეს და საფრანგეთის ზავის მოცვარებას ან ლოიდ ჯორჯის ორმაგ მოკავშირეთა საზიანო პოზიციის წინააღმდეგ პუანკარემ საფრანგეთში და მილიერანმა მარკოში, სადაც ის ამ ყანათ მოგზაურობს. აღსანიშნავია, რომ ინგლისის პრესის ერთი გავლენიანი ნაწილიც («ტაიმსი», «მარინინგ პოსტი» და სხვ.) პუანკარეს პოზიციას უფრო იცავს და ლოიდ ჯორჯს აკრიტიკებს.

მაგრამ საბოლოო კონფლიქტამდე მიინც არ მისულა საქმე. ამ რიგათ მეორე ინციდენტსაც გადაურჩა კონფერენცია.

დადგა მესამე საკითხი: ბოლშევიკებისთვის საერთო მემორანდუმის წაროგენა საბოლოო მოთხოვნებით, რომელთა მიღება მოკავშირეებს აუცილებლათ მიაჩნიათ რუსეთში მუშაობის დასაწყებათ. ამ პირობენს საფუძვლათ დაედგა ინგლისის და საფრანგეთის პროექტები, რომელთა შეთანხმებით იგი იქნა შემუშავებული.

მოგვყავს ამ მემორანდუმის შინაარსი: იგი მოითხოვს პროპაგანდა-აგიტაციის შეწყვეტას სხვა სახელმწიფოების წინააღმდეგ დმცირე აზიაში ზავის დამცარებისათვის ხელის შეწყობას სრული ნეიტრალიტეტის დაცვით. ამის წინა ვალების უკლებლივ ცნობას; ამის ვალების ცნობას, რომელიც შეიძლება შემცირებულ იქნეს სხვადასხვა პირობების მიხედვით და გადახდის შეღავათები მიეცეს; აღიარებას თვითმარტველობათა და საზოგადოებრივ საქიროებათათვის აღებულ ვალებისას.

უტოვლათვის კერძო ქონების დაბრუნებას ან ანაზღაურებას; შერეული სასამართლოს დაარსებას უტოვლთა საქმეების გასარჩევათ.

ამ მემორანდუმს თან ახლავს განცხადება, რომლითაც ევროპის სახელმწიფოები განსაზღვრულ თანხას იღებენ და ვალდებულებას კი-



საქართველო
საქართველო

სროლობენ რუსეთის დანგრეულ მეურნეობის აღსადგენათ.

მემორანდუმში არ იქნა შეტანილი შესწორება ბელგიელების რომელნიც მოითხოვდნენ კონტეგორიულათ უცხოელთათვის საკუთრების დაბრუნებას. ამის გამო ბელგიის წარმომადგენელმა მემორანდუმზე ხელი არ მოაწერა. მას მიემხრო საფრანგეთი და ზოგიერთი მცირე სახელმწიფოებიც. დანარჩენი სახელმწიფოების სახელით იგი მინც წაუდგინა ბოლშევიკებს.

წინააღმდეგობა მოკავშირეებსა და ბოლშევიკებს შორის შემდეგშია:

კომუნისტები ცნობენ ვალს და დანარჩენ დათმობაზეც მიდიან იმ პირობით, რომ ცნობილ იქნეს საბჭოთა მთავრობა და მიეცეს სესხი თვით მთავრობას, უამპირობოთ მათ დათმობა უნაყოფოთ და უმიზნოთ მიაჩნიათ. რუსეთის აღდგენა მათ მთავარ ინტერესს არ შეადგენს. მოკავშირეები კი ამ დათმობებს უპირობოთ მოითხოვენ ეკონომიური ურთიერთობის აღსადგენათ, ხოლო ცნობას და სესხს ცალკე დამოუკიდებელ საკითხათ აცენებენ, რომელიც შემდეგ იქნება განხილული და რომელთაგან ცნობა მაგ. თვითუფლ სახელმწიფოს ნებაჯილობაზეა მიგდებული კანონის გადაწყვეტილებით. ბოლშევიკები მინც ფიქრობენ, რომ მათ შეუძლიათ ბევრი რამ მოიგონ, წასაგები ყოველ შემთხვევაში თავნიდან არაფერი აქვთ. დიდათ აფასებენ იმას, რომ გვერდში მოუხდენ ლოიდ ჯორჯს, რომ იჯენტლმენეს და იტალიის მეფეს ქედმოხრილი ეახლენ, რამაც აქვე შევნიშნავენ ვეროპის კომუნისტებში მათ წინააღმდეგ საშინელი აღშფოთება და პროტესტი გამოიწვია, განსაკუთრებით იტალიელებში; დიდათ აფასებენ გერმანიისგან ცნობასაც და თუ მას აცვა ზოგიერთი პატარა სახელმწიფოები მინც და შეიძლება იტალია ან ინგლისი—ამით დიდათ კმაყოფილი იქნებიან. მათ არსებობას და რუსეთის ტანჯვას რამდენიმე ხანს ესეც გაახანგრძლივებს და მათაც მეტი არა უნდათ რა.

ამ ქამათ კონფერენციის მუშაობა ამ წერტილზეა შეჩერებული. ბაჩტუ საურანგეთში გაემგზავრა მთავრობასთან მოსალაპარაკებლათ, პატარა სახელმწიფოები, რომელნიც უფრო სტატისტები არიან, ვინც მომქმედი პირები—უკმაყოფილებას გამოსთქვამენ და თავის დღეგაციის უმთავრესს წევრებს უკანვე იწვევენ. რა შედეგს მიალწვევს კონფერენცია ამაზე შემდეგ ნომერში.

S. P. საქართველოს საკითხზე გენუაში მკითხველი ცალკე იპოვის ცნობებს ამავე №-ში.

სვანეთის გარეშე.

ინტერნაციონალიზმი.

საქართველო თავისუფლების ღირსია. და ღირსია მისი ის მთის შვილები, რომელთაც მიუვალ კლდეებში ამართეს საქართველოს წმინდა ალაში, დღეს წითელი იმპერიალისტიებისაგან შეურაცყოფილი.

სვანეთი, რომელმაც ნახევარ წელზე მეტია, იარაღით ხელში მოითხოვეს ის, რაც მთელ ქართველ ერს ასულდგმულებს—რუსის ჯარის გაყვანა საქართველოდან და თავისუფალი არჩევა თავის მთავრობის—დღეს მთელი ევროპის ყურადღებას იპრობს. პირველ-ცოცლისა მათ გამოეხმაურა ევროპის ჩაგრული კლასი პროლეტარიატი და მისი გამოჩენილი ბელადები.

სისხლ მოწყურებულ ბოლშევიკებს, ჯარმა, რომელსაც ნაბძანები ქონდა გენუის კონფერენციამდე დაეცრო ეს მთის არჩევების ბუდე, იმედი გაუცრუათ: გენუამაც და მთელმა კაცობრიობამ გაიგო ის, რაც მათსურდათ სისხლის მორვეში ჩაემარხათ:

და სვანეთის მებრძოლთ ხმა მისცა ევროპამ. ნ. ჟორდანამ შემდეგი დეპეშა გაუგზავნა მეორე და ვენის ინტერნაციონალის აღმასრ. კომიტეტების, მათი სეკრეტარების სახელზე.

დეპეშა. ადლერს, მაკდონალდს.

გასულ ზაფხულს დასავლეთ საქართველოს მთიან ნაწილში, სვანეთში, მცხოვრებლებმა გარეკეს რეჟკომები და დაამცარეს დემოკრატიული მართველობა. სექტემბერში აჯანყებულ წინააღმდეგ გაგზავნილმა რუსის ჯარები დამარცხებულ იქნენ და სვანეთმა მას შემდეგ შეტანარჩუნა თავისუფლება. ნოემბერში აჯანყებულებმა გაუგზავნეს ბოლშევიკურ მთავრობას თფილისში დღეგაცია, რომლის პირითაც მოითხოვდნენ საოკუპაციო ჯარების ევაუაციას და ქართველი ხალხისათვის მთავრობის თავისუფლად არჩევის უფლების აღდგენას. ზოლშევიკებმა უკუაგდეს ეს მოუხოვნილებები, მაშინ სვანებმა გაამაგრეს თავიანთი საზღვრები და დაუკეტეს გზა ბოლშევიკებს. მარტში რუსის ჯარებმა დაიწყეს შეტევა სვანეთის წინააღმდეგ ორხი მიმართულებით: ორი მიმართულებით ჩრდილოეთიდან (რუსეთის მხრით) და ორი მიმართულებით სამხრეთიდან (ქუთაისის მხრით). ამი გრძელდება ხან ერთის და ხან მეორე მხა-



რის წარმატებით, აჯანყება ფართოდება, ედგება აგრეთვე მეზობელ რაიონებს რაჭას და ლეჩხუმს. აჯანყებულებმა, პარლამენტორების პირით, განაახლეს მოთხოვნილება საქართველოს ოკუპაციის მოხსნის შესახებ და წინადადება მისცეს მტერს ტყვეების გაცვლის შესახებ, აღუთქვეს თითოეულ აჯანყებულში სამი რუსის ჯარისკაცის მიცემა. ოკუპანტები უარს ამბობენ ყოველივე მოლაპარაკებაზე, აგროვებენ ჯარებს დასავლეთ საქართველოში და აორკეცებენ რეპრესიებს მშვიდობიან მცხოვრებლების წინააღმდეგ, განსაკუთრებით გურიის მხარეში. ხალხის აღელვება უკიდურეს წერტილს აღწევს და ეს ბადებს საერთო კატასტროფის საშიშროებას. გთხოვთ საქართ მიიღოთ ზომები სისხლისღვრის შესაჩერებლად, მოუწოდოთ მოსკოვს დაუყონებლივ შეაჩეროს სამხედრო მოქმედება, ჩამოაგდოს დროებითი ზავი და მიიღოს სამივე ინტერნაციონალების შუამავლობა კონფლიქტის სალიკვიდაციოთ. გთხოვთ დაუყონებლივ დააენოთ ეს კითხვა ცხრათა კომისიაში.

ნოე უორდანი.

ამის პასუხათ მეორე ინტერნაციონალის კომიტეტმა დაუყონებლივ დეკლარაციით გადასცა მოსკოვს კატეგორიული მოთხოვნილება ამ სამარცხინო შეტევის შეჩერების, სანამ სადაო საკითხს სამივე ინტერნაციონალების კომისია—9 კაცისაგან შემდგარი, რომელსაც საქართველოს საკითხის დავის შესწავლა აქვს მინდობილი, ამ საგანზე თავის გადაჭრილ აზრს გამოიტანდეს.

აღსანიშნავია, რომ ევროპის ჩვენი მეგობრები მოუთმენლათ ელიან საქართველოს გამარჯვების ამბებს. და მცირედი ცნობაც კი სვანების მიერ რუსის ჯარის ნაწილების დატყვევების იწვევს ამ მშვიდობიანობის მოციქულებში სიხარულს და მილოცვას.

იმდენათ სამართლიანი, უდავოთ სამართლიანია ეს ბრძოლა თავისუფლებისათვის, რომ მას არ შეიძლება საღამით და გამარჯვების სურვილით არ მიეგებოს ყველა, გარდა კომუნისტური მოსყიდული ხალხისა.

გ ე ნ უ ა შ ი.

და მართლაც თვით გენუის კონფერენციანებდაც, სადაც პოლიტიკურ საკითხებს ოფიციალურათ მაინც ადგილი არა აქვს და სადაც სა-

ქართველო მიწვეული არაა, ჩვენმა წარმომადგენლებმა მაინც შესძლეს ერთ-ერთ მთავარ კომისიაში, რომელიც რუსეთის საქმეებს იხილავს, სვანეთის საკითხის დაცენება. შვეციის მთავრობის თავმჯდომარემ, ცნობილმა სოც.დემოკრატმა ბრანტინგმა და თავისუფალ შვეიცარიის საბჭოს თავმჯდომარემ წამოაყენეს საკითხი სვანეთთან ომის შეჩერების რუსის ჯარის მიერ. ამ წინადადებას მხარი დაუჭირა დაუყონებლივ საფრანგეთის მხრივ ბარტუმ, და ინგლისის მხრივ ლოიდ ჯორჯმა. იტალიის საგარეო მინ.


შანცერის წინადადებით ეს კითხვა მიღებულ იქნა ერთსულოვნათ და თვით შანცერს მიენდო სათანადო «ამიკალური» წინადადების წაყენება ჩიჩერინისათვის.

ამ რიგათ აღიარებულ იქნა ერთხელ კიდევ, რომ რუსეთი შემოიჭრა თავისუფალ საქართველოში, რომ იგი იქ დღესაც მხარეა, მებრძოლი, მჩაგვრელი და არა საქართველოს მთავრობა. ბ-ნი მდივანი—მოსკოვის აგენტი და ჩიჩერინი, რომელნიც ორივენი ჩემულობენ საქართველოს წარმომადგენლობას, ამ ფაქტს ვერ ამოშლიან ამიერიდან. საქართველოს იცავს და წარმოადგენს ცველგან მხოლოდ ის მთავრობა, რომელიც დამფუძნებელმა კრებამ წარმოშვა და რომელიც ხალხის ნდობით არის მოსილი.

მოსკოვის წითელმა იმპერიალისტებმა ცველგან და ყოველთვის უნდა აგონ პასუხი ამ უმაგალითო ბოროტებაში, რომელიც ქართველი დემოკრატიული ხალხის დაპყრობაში გამოიხატა და მდივნის შირმა მათ პასუხათ არ გამოდგება.

უკანასკნელ დეკემბის ცნობით ჩიჩერინმა შანცერის წერილზე კატეგორიული უარით უპასუხა, არავითარ შეტაკებებს და ძალმომრეობას საბჭოთა ხელისუფლების მხრივ არ აქვს ადგილი საქართველოში.

რა უსირცხვილობაა! რა ფარისევლობაა! მაგრამ საქართველოს მებრძოლი შვილები არ შეუშინდებიან ამ უსვინდისო ჭორიკანებს, არ დაყრიან იარაღს, სანამ სამართლიანობა, ნათელი მთელი ქვეყნისათვის, გამარჯვებით არ გასხივოსნდება.





რუსეთ-გერმანიის ხელშეკრულება და საქართველო.

«ფორვერტსის» გენუელი კორესპონდენტი ატყობინებს თავის გაწეთს, რომ მან სპეციალურად ინახულა გერმანიის ერთი პოლიტიკური მოღვაწეთაგანი, რომელიც მთავარი ავტორთაგანია რუსეთ-გერმანიის ხელშეკრულების, რათა გამოერკვია ხელშეკრულების დამოკიდებულება საქართველოს საკითხისადმი. აღნიშნულმა მოღვაწემ გადაჭრით განუცხადა კორესპონდენტს: ეს ხელშეკრულება სრულიად არ ეხება და ვერც შეცვლის გერმანიის პოზიციას საქართველოს დამოუკიდებლობის საკითხში. ხელშეკრულების ვალდებულებანი ეხებიან მხოლოდ გერმანიის და რუსეთის ურთიერთობას და არ ვრცელდებიან იმ სახელმწიფოებზე, რომელნიც რუსეთს გამოეყვან ან მომავალში გამოეყოფიან.

ცხადია, ამით აიხსნება საქართველოს კომუნისტების გაწიწმატება და 24 აპრილის დეპეშა*), რომელსაც მიზნათ აქვს ერთგვარი შანტაჟით აიძულონ გერმანია მათ ჩადენილ ბოროტების მონაწილე და კვერის დამკვერლნი გახდეს.

*) გერმანიის დამოუკიდებელ ს.-დემ. პარტიის ცენტრალური ორგანო, «ფრაიჰაიტი», ათავსებს შემდეგ დეპეშას მოსკოვიდან:

«მოსკოვი, 24 აპრილი. «საქართველოს მთავრობამ (ბოლშევიკურმა. რედ.) მიმართა გერმანიის მთავრობას ნოტიო, რომელშიაც უცხადებს მას, რომ ის იძულებულია საქართველოში მტკბორები გერმანიის მოქალაქენი აიძულოს წავიდნ საქართველოდან, ვინაიდან გერმანიის მთავრობამ უყურადღებოთ და უპასუხოთ დასტოვა არა ერთხელ განმეორებული წინადადება საქართველოსთან სავაჭრო ხელშეკრულების დადების შესახებ. ამის გამო გერმანიის რწმუნებულს მოსკოვში, ბ-ნ ვიდენფელს, ქონდა ლაპარაკი ჩიჩერინის მოადგილე კარახანთან, რომელმაც მას შესთავაზა საბჭოთა მთავრობის შეუმდგომლობა გერმანიასა და ამიერ-კავკასიის რესპუბლიკათა შორის სავაჭრო ხელშეკრულების დადების საქმეში».

ეპროკის პრესა საქარ. შესახებ

დეპუტატი ერნესტ უტრეი კავკასიის და საქართ. საკითხის შესახებ.

გაწეთ «ეზო დე პარი»-ში მოთავსებულია გავლენიან ფრანგ დეპუტატის ერნესტ უტრეის საინტერესო წერილი სათაურით: «ნავთის პრობლემა—გენუის კონფერენცია და კავკასიის სახელმწიფონი».

«საფრანგეთის პარლამენტში დებატების დროს, მთავრობის თავმჯდომარემ განაცხადა რომ კავკასიის სახელმწიფონი არ იქნებიან მოწვეულნი გენუის კონფერენციაზედ, რადგან ეს სახელმწიფონი ევროპაში არ არიან მოქცეულნი. მთავრობის თავმჯდომარემ აგრეთვე განაცხადა, რომ საბჭოების, ან უფრო სწორეთ რომ ვსთქვათ კავკასიის სახელმწიფოთა ყალბ წარმომადგენლების პრეტენზია გენუაში დაშვებისათვის, უყურადღებოთ იქნება დატოვებული.

საფრანგეთის მიერ საკითხი ნათლათ არის გარკვეული; საჭიროა რომ ჩვენი პოზიცია ამ საკითხში მტკიცე და ურყევი იქნეს.

არ უნდა დავივიწყოთ რომ ჩვენ განვიციდით ეკონომიური ბრძოლის მეტად მძიმე პერიოდს და ამა თუ იმ ერის კეთილდღეობა დამოკიდებულია ამ ერის ნავთის პოლიტიკაზე. ჩვენ გვახსოვს თუ რა დიდი როლი ითამაშა «ნავთის ფაქტორმა» განვლილი ომის უკანასკნელ თვეებში და არა ნაკლებ როლს თამაშობს იგი მშვიდობიან დროსაც, თუ მხედველობაში მივიღებთ თანამედროვე ეპოქის განვითარებულ მაშინიზმსა და ინდუსტრიას.

ეს გარემოება, როგორც სჩანს, სავსებით დააფასა საბჭოთა მთავრობამ, რომ უზნიშვნელო მიზეზის გამო თავს დაესხა დამოუკიდებელ და თვით საბჭოთა მთავრობის მიერ ცნობილ კავკასიის რესპუბლიკათ და 1921 წლის იანვარ-თებერვალში თავისი მრავალრიცხოვანი ჯარების საშუალებით დაიპყრო.

ბიშტებზე დაყრთნობილი ძალის მეოხებით, კავკასია და საქართველო გახადეს რა საბჭოთა ფედერაციის წევრებათ, დაუფლებლივ გააფრცულეს მანედ კომუნისტური რუსეთის ყველა კანონები და დეკრეტები და ნავთის უძვირფასეს მადნეულობას მოსკოვის მთავრობამ ნაციონალიზაცია უყო.



ქართული
ტიტულქრონიკა

საქართველო? სომხეთი?

სმობენ, რომ ლორდ კერზონმა მიიღო კან-
ში პირობა, რომლის მიხედვით, გენუის კონ-
ფერენციასზედ არ იქნება აღძრული კამათი იქ
წარმოდგენილ ქვეყნების შინაური საქმეების
შეახებ—ეს იმას ნიშნავს, რომ იქ არ შეეხე-
ბიან რუსეთის და კავკასიის საკითხს და იმ პი-
რობებს, რომლებშიც ანხორციელებს დამპყრო-
ბელი რუსეთი თავის კომუნისტურ კანონმდებ-
ლობას; თუ არ იქნება აღძრული საკითხი იმის
შესახებ თუ რამდენათ კანონიერია საბჭოების
მიერ კავკასიის დაპყრობა, ეს იქნება გაგებუ-
ლი როგორც შერიგება და დადასტურება ნავ-
თის მადნეულობის ნაციონალიზაციის კანონი-
ერებისა წითელი ჯარების მიერ.

მაგრამ ჩვენ ვიცით, რომ საბჭოებმა პირობა
დასდევს ინგლისის ნავთის მრეწველთა ერთ
ჯგუფთან, რომლის მიხედვით მოსკოვის ვაჭ-
ბატონები ბრიტანეთის ნავთის გამციდველთა
სინდიკატს აძლევენ უპირატესობას ნავთის წარ-
მოების საქმეში.

ჩვენ ვიღებთ თავზე სითამამეს განაცხადით,
რომ წითელი რუსეთი იქცევა კავკასიაში, რო-
გორც უზურპატორი, ხოლო ამ სახელმწიფოთ
უნდა ანგარიში გაუწიოთ როგორც დამოუკი-
დებელ ქვეყნებს და მათი უფლებების საერთაშო-
რისო ცნობით უზრუნველყოთ ის პირობები,
კერძო პირთა, ისე დიდი კომპანიების, რო-
მელნიც წინათ მიღებულნი ქონდათ ამ ქვეყ-
ნებში ფრანგებს, ბელგიელებს და თვით ინგ-
ლისელებს. უნდა ვიმდგომოთ, რომ ეს გან-
ცხადება შეაჩერებს ამ მცდედელი სინდიკატე-
ბის წადილს უსირცხვილო საშუალებით ჩაიგ-
ღონ ხელში კავკასიის ნავთი.

ბ-ნმა პუანკარემ განაცხადა რომ, რუსეთს
არ მიეცემა უფლება წარმოდგინოს გენუაში
კავკასიის ფსევდო-დელეგატები. ძალიან კარგი!
მაგრამ ეს არ არის საკმარისი—კავკასიის სა-
კითხი უნდა დაისვას გენუის კონფერენციასზე.
—თუ ეს არ იქნა უდიდესი და უძვირფასესი
წარმოებანი ბაქოს და გროზნის რაიონისა რო-
მელნიც ჩამორთმეული აქვთ მათ კანონიერ მე-
საკუთრეთ და საბჭოების ხელში იმყოფებიან,
ისევე მათ დარჩებათ და ბოლშევიკებს მიეცემათ
უძლიერესი ფაქტორი მათი რეჟიმის გამაგრე-
ბისათვის.)

ამ სათაურით გაზეთი «სვის» («შვეიცარია») 21 აპრილის №2-ში მეთაურ წერილს უძღვნის გენუის კონფერენციას და აღნიშნავს რა შესა-
ძლებლობას რუსეთსა და სხვა სახელმწიფოთა შორის ნორმალურ ურთიერთობის აღდგენისას სწერს:

«რუსეთის დელეგატები, უცხოელ სახელმწი-
ფოთა წარმომადგენლებთან მოლაპარაკების
დროს აცხადებენ, რომ რუსეთის დელეგაცია
«წარმოდგენს აგრეთვე შემდეგ საბჭოთა რეს-
პუბლიკების ინტერესებს: უკრაინის, საქართვე-
ლოს და აზერბეიჯანის». ბ-ნმა რაკოვსკიმ სი-
ტყვა-სიტყვით განაცხადა შემდეგი: «ყოველი
წარმომადგენელი რომელიმე საბჭოთა დედერა-
ციული რესპუბლიკისა ერთსა და იმავე დროს
არის წარმომადგენელი როგორც საკუთარის,
ისე ცენტრალური მთავრობისა. უკრაინა, ისე-
ვე როგორც საქართველო, სომხეთი და სხვა
პატარა ქვეყნები—ავტონომიური რესპუბლიკე-
ბია, შეკავშირებულნი მოსკოვის ცენტრალური
მთავრობის გარშემო, რომელიც ხელმძღვანე-
ლობს და მართავს რუსეთის საბჭოთა დედერა-
ციულ რესპუბლიკას».

სხვანაირათ რომ ესთქვათ, საბჭოთა რუსეთი
უარს აცხადებს რა იმ სახელმწიფოთა ცნობაზე,
რომელნიც მას ჩამოსცილდნენ მეფის დროის
ტერორისა და ბოლშევიკების დიქტატურის გა-
მო, ახალ ფორმებში ასხამს რუსეთის იმპერი-
ალიზმის ძველ გეგმებს.

ჩვენს წინ სდევს ერთი ამოღვევებელი მიმარ-
თვა, აღნიშნული 29 მარტის თარიღით, სათაუ-
რით: «ვინ ლაპარაკობს ქართველი ხალხის სა-
ხელით» და ხელმოწერილი საქართველოს რეს-
პუბლიკის დემოკრატიული მთავრობის თავმ-
ჯდომარის ნ. ჟორდანიას და დამფუძნ. კრების
თავმჯდომარის ნ. ჩხვიძის მიერ. რომელიც ნა-
თლად გვიმტკიცებს, რომ ესრედ წოდებული
«საბჭოთა საქართველოს მთავრობა» შესდგება
ერთი მუქა უზურპატორთაგან, რომელნიც რუ-
სის ჯარს მოჰყვენ ამ ქვეყანაში, მისი საშუა-
ლებით ხელთ იგდეს ძალა-უფლება და ტერო-
რის ქვეშ ხელისუფლობენ.

საქართველოს საბჭოები, რომელსაც წარმო-
მადგენლობს ბოლშევიკური დელეგაცია გენუა-
ში, შედგენილ იქნენ საოკუპაციო მართველო-



ბისაგან, გარეშე ქართველი ხალხის მონაწილეობისა—იგი «არჩეულ» იქნა რუსის ჯარისკაცების, მოხელეების და საერთოდ, უცხო ელემენტის მიერ და მისი პრეზიდენტი შესდგება საოკუპაციო მთავრობის წევრთა და სხვა მაღალ მოხელეთაგან, მათს შორის ვერ ნახავთ ქართველ მუშას, გლეხს ან ჯარისკაცს—აცხადებენ ყორღანია და ჩხეიძე—«ცვლდა ეს ვაქტორები მოსკოვის მთავრობის დაქირავებული აგენტება».

და ჩვენ დაუმატებთ ზემოთ მოყვანილ ცნობებს ბოლშევიკების შესახებ, რომ დემოკრატიული საქართველოს წინააღმდეგ მათ მიუცარეს მოსკოვის ჯარები, ააწიოკეს ქვეყანა, საუკეთესო ქართველი მოქალაქეებით აავსეს ციხეები და გენგაქვს უფლება ვიკითხოთ: ნუ თუ გენუის კონფერენცია დააკანონებს ამ ბოროტმოქმედებას, ხალხთა თვითგამორკვევის უფლების წინააღმდეგ?

და ასეთივე საკითხი ისმება სომხეთის შესახებ. ჩვენ ვიცით რომ გენუის კონფერენცია შეიძლება დასრულდეს რუსეთისა და სხვა სახელმწიფოთა შეთანხმებით; ჩვენ ძალიან კარგათ გვესმის, რომ იმ მძიმე ეკონომიური კრიზისიდან გაზოგვისათვის, რომელსაც ჩვენ განვიცდით, ყოველგვარი დაბრკოლებანი უნდა გადავლახოთ და ბევრი რამ, რისი დათმობაც ძნელი დავთმობთ—ეს ჩვენ კარგათ გვესმის, მაგრამ არის ერთი რამ, რასაც ჩვენ ვერასოდეს შეურიგდებით:

რომ რომელიმე მთავრობამ გასწიროს დამოუკიდებლობა პატარა ქვეყნისა და თავისუფლება მის მოქალაქეთა მისთვის, რომ მის მტარვალთაგან ესა თუ ის ეკონომიური ხასიათის მოგება შეიძინოს.

„ქურნალ დე დება“ საქართ. შენახვა.

«ქურნალ დე დება» (პარიჟი) 13 აპრილს მეთაურ წერილში ეხება რა გენუის კონფერენციის პირველ სხდომებს, სხვათა შორის სწერს:

«ვიდრე საბჭოებს გენუაში მოიწვევდენ, მათთვის უნდა მოეთხოვათ ჯარების გაყვანა საქართველოს რესპუბლიკიდან, რომელსაც მათ ძალით აქვთ დაპყრობილი, მაშინ ან ზომას სათანადო ყურადღება არ მიაქციეს, მაგრამ ჯერ კიდევ არის დრო, რომ ისეთი მოთხოვნილება წარედგინოს ბ. ჩიჩერინს.»

საქართველო სახელმწიფოა, რომელიც ცნობილია ფაქტიურად და ირიდიულათ, ხოლო საბჭოები ძალმომრების აქტს სჩადიან როცა, ამ ქვეყანას ჯარის ურდოებით ფლობენ, ხალხის სურვილის წინააღმდეგ. მაგრამ მათ, გადალახეს რა სირცხვილის ყოველივე საზღვარი, თავისი ხიშტების საშვალეებით მოახდინეს სიმულაცია საბჭოების არჩევნებისაც და თფილისში თვით საოკუპაციო ჯარს აარჩევინეს 99 წარმომადგენელი (351 წევრიდან) ასეთი წესით არჩეულმა საბჭომ დაადგინა რუსეთის ჯარის საქართველოში დატოვება, და საოკუპაციო ჯარის რუსი «საღდათები», საქართველოს გლეხთა და მუშათა მიერ «ნაშვილებად» გამოაცხადა!

აი როგორ ესმის საბჭოებს მშვიდობიანობა და ერთა დამოუკიდებლობა!

გენუის კონფერენციას საუკეთესო საშუალება ეძლევა მოაგონოს მათ, რას ნიშნავს სირცხვილი!»

საქართველო და ევროპა.

ბელგია და საქართველო.

(წერეთელი ბელგიის მუშ. პარტ. კონგრესს)

ბრიუსელში გასულ აღდგომებზე ბელგიის მუშათა წლიური კრილობის წინ გაიმართა მიტინგი ბრიუსელის სახალხო სახლში. სიტყვები წარმოსთქვეს სხვადასხვა ქვეყნებიდან ჩამოსულმა სტუმრებმა, მათ შორის ირ. წერეთელმა, რომლის გამორჩენას ტრიბუნაზე კრება განსაკუთრებული ენტუზიაზმით და ხანგრძლივი ტაშისცემით შეეგება.

მოგვყავს აქ მისი სიტყვის შინაარსი: წერეთელმა აღნიშნა, თუ რა დიდი ძალა და ენერჯია შემატა ქართველ ხალხს იმ მხურვალე თანაგრძობამ და დაცვამ, რომელიც ბელგიის სოციალის. მუშათა პარტიამ აღმოუჩინა მას. მაშინ როცა ფფიციალური ევროპა ინდიფერენტულათ უცქეროდა იმ ბოროტებას, რომელსაც საქართველოზე თავდასხმა წარმოადგენს, საერთაშორისო ინტერნაციონალს ერთი წუთითაც არ შეუწყვეტია საშვალეების გამოძებნა ჩვენი სიმართლისათვის გამარჯვების მოსაპოვებლათ

და ბერლინის უკანასკნელმა კონფერენციამაც ამ საკითხს მოანდომა უმეტესი ნაწილი თავის მუშაობის.

შემდეგ წერეთელმა დაარღვია ყველა ის ოდიოზური ბრალდებები, რომელიც წამოყენებული იყო ბოლშევიკების მიერ ამ პირველი სოციალისტური რესპუბლიკის წინააღმდეგ. დოკუმენტები, რომელნიც ბოლშევიკებმა წამოგვაცვედრეს ამ კონფერენციაზე, იმ მიზნით, რომ დემიტციებიანთ თითქოს საქართველოს მთავრობა შეთანხმებული ყოფილიყოს კონტრ-რევოლიუციონერებთან, გამოქვეყნებული იყო ჩვენგანვე ორი წლით ადრე საბჭოთა რუსეთსა და საქართველოს შორის საწავო ხელშეკრულების დადებამდე, და ბოლშევიკების ჯარები კი სწორედ ხელშეკრულების დადების შემდეგ შემოიჭრენ საქართველოში.

თავდასხმის პირველ დღეებშივე საქართველოს მთავრობამ მოსთხოვა მოსკოვს შეეტყობინებინა მისთვის მიზანი ამ აგრესიული მოქმედების, მაგრამ ანათ. მთავრობამ აცნობა აგრეთვე, რომ ის მზათაა მოლაპარაკება დაიწყოს.

დაფარული, მაგრამ ნამდვილი მიზეზი ამ ქურდული თავდასხმის იმაში მდგომარეობს, რომ საქართველოს სოციალისტურ მთავრობას, რევოლიუციის ქარცეცხლში შობილს, არ სურდა «რუსული» დიქტატურისათვის მიემართა და გადაჭრით დარჩა ერთგული დემოკრატიული პრინციპების.

აი ნამდვილი მიზეზი საბჭოთა რუსეთის განსაკუთრებული სიძულვილის საქართველოს მიმართ.

საბჭოთა მთავრობამ ზავი ჩამოაგდო მხოლოდ იმ მიზნით, რომ უფლება ქონდა თავის ოფიციალური წარმომადგენლების გამოგზავნის სოციალისტური მთავრობის თვალის ასახვევით და ჩამოგდების გასაადვილებლათ. და რადგან ეს შინაგანმა მათმა ინტრიგებმა სისტემატიური დამარცხება განიცადეს, ბოლშევიკებმა საბოლოოთ გადაწყვიტეს უხეში ძალადობისთვის მიემართათ.

დღეს ქართველი ხალხი ინტერნაციონალის დაპირებულ დახმარებაში ხედავს თავის ხსნას. და ქართველი სოციალისტები სრული იმედით უცდიან იმ განაჩენს, რომელიც მან ახლო მომავალში უნდა გამოიტანოს. თავის განთავისუ-

ფლების იმედებს ის ამცარებს იმას, რომელიც მას ყველა დაჩაგრულ ხალხებთან აკავშირებს.

სიტყვის დასასრულ ორატორი მიესალმა ბელგიის მუშათა პარტიას, როგორც ქართველი ხალხის უმზურვალეს დამცველს.

კრებამ ხელახლა გრძნობიერი ოვაციები გაუმართა დაჩაგრულ საქართველოს წარმომადგენელს.

იგივე ბრიუსელელი «პეკლი», რომლიდანაც ჩვენ ირ. წერეთლის სიტყვა მოვიცვანთ, აღნიშნავს, რომ საქართველოს სოც.-დემ პარტიის წარმომადგენელის გამოჩენამ ბელგიის მუშათა პარტიის სხდომაზე განსაკუთრებული ოვაციები გამოიწვია. «პეკლი» სწერს: პრესის შესახებ კამათის დროს «დარბაზში შემოდის წერეთელი და ადგილს იჭერს პრეზიდიუმში. დებრიუკერმა (კრების თავმჯდომარე) წარუდგინა წერეთელი კონგრესს. ინტერნაციონალის ყველა ერთა შორის, სთქვა მან, თქვენნი დაჩაგრული ერი ყველაზე უფრო ახლო და ძვირფასია ბელგიის მუშათა კლასისათვისო. დებრიუკერის სიტყვები კონგრესმა მზურვალე აპლოდისმენტებით დაჭფარა.

ს. ჯაბლასის კარდაცვალების გამო.

ევროპის სოციალისტური პრესა დიდი ყურადღებით გამოეხმაურა საქართველოს სოც.-დემოკრატიული პარტიის მხცოვანი ბელადის ტრადიკულ კარდაცვალებას. «თავისუფალმა საფრანგეთმა», «ფორვერტსმა», «ფრაიპაიტმა», «პოპულერმა», რუსეთის მენშევ. ყურ. «სოც. ვესტნიკ»-მა და მრავალმა სხვა გაზეთებმა წერილები უძღვენეს განსვენებულის ხსოვნას და მისი სურათები დაბეჭდეს, ევროპის სოციალისტური პრესა ერთსულვან აღშფოთებას გამოსთქვამს წითელი ჯალათების ბარბაროსულ მოპყრობის გამო მოხუც სილიბისტროს მიმართ.

გერმანია და საქართველო.

(კარბო წერილიდან)

«11 აპრილს აქ შესდგა მეუმრავლესე მუშათა (შეიდემანელების) წარმომადგენელების კრება. მე და ჩემმა ამხანაგმა უთხარით რომ ქართველები ვიცავით, მაშინვე შეგვიშვეს და წინა რიგში დაგვაჯდინეს. მოხსენება გააკეთა ველსმა ინტერნაციონალების წარმომადგენელთა კრე-

ბის მუშაობაზე. ილაპარაკა სამი საათი. აქედან ერთი საათი მოანდომა ჩვენი კითხვის დახასიათებას. ჩვენს კითხვას კრება დიდი ინტერესით ეკიდებოდა. კრების დასასრულ რეზოლიუცია მიიღეს: «ამხანაგი ველსის მოხსენება იმდენათ ნათელი და სწორია, რომ კამათ საჭიროდ არ მიგვაჩნია, ერთხმად ვიწონებთ მეორე ინტერნაციონალის პოზიციას».

საინტერესოა როგორ სცოდნიათ აქ მუშათა კრებები: დიდი ზალა იყო წინ სცენით. მთელი ეს ზალა მოვსებულა პატარა სტოლებით. თითო სტოლს უდგია ოთხ-ოთხი სელის სკამი, შემოუსხდებიან ოთხ-ოთხი კაცი, ვისაც სურს მოატანიდნენ ლუდს, ნელ-ნელ სვამენ და თანაც ისმენენ. შორი უბნებიდან მოვიდნენ ველოსიპედებით, ზალაში ველოსიპედების გასაჩერებელი ადგილიც არის. ყველას აცვია გახამებული პერანგები ხოლო ძალიან ბევრს საგაზაფხულო პერჩატკებიც. ტაშს ისე იაფათ არ უკრავენ როგორც ჩვენში. კრების გახსნამდე ველსი ზალაში დადიოდა და მუშებს ესაუბრებოდა. კრების გახსნას ჩუმათ შეხვდნენ. გათავებისას კი დაუკრეს ტაში. მომხსენებელმა სამი საათი ილაპარაკა შეუჩერებლივ.

ძალიან სასიხარულო იყო როცა ველსი ჩვენზე ლაპარაკობდა. ეხლა კრების მონაწილენი თავთავის რაიონებში აკეთებენ მოხსენებებს და ჩქარა ჩვენი კითხვა ბერლინის მუშათა დიდ უმრავლესობას ისე ეცოდინებ, როგორც ამ წარმომადგენლებმა იციან. პატარა ხალხი ვართ და ვაი თუ დიდი ტანჯვა დიდხანს ფიზიკურათ ვერ გადავიტანათ, თორემ თუ მუშათა კლასს საერთოთ დაღუპვა არ უწერია, კი შეიძლება იმედი იქონიო კაცმა იმ უფსკრულიდან ამოთრევაზე, რომელშიდაც ასე უაზროთ მოვექცეთ.»

სადამო საკითხზე.

რადგან სწორე და შემცდარი პოლიტიკის გარჩევა მხოლოდ შედეგებით შეიძლება, უნდა ვიფიქროთ, რომ საქართველომ ვერ შეათანაბრა თავისი ეკონომიური, გონებრივი და ფიზიკური თვისებანი და ძალა ვერც ერთიერთმანეთს—შინაგან ცხოვრებაში და ვერც ობიექტიურ პირობებს, ე. ი. მახლობელი და შორეული ქვეყნების სოციალურ და პოლიტიკურ მდგომარეობას. ამიტომ დამარცხდა და უხეში რუსული

ქუსლის სანავარდო გახდა. დღიდან საქართველომ და მოუკიდებლობის აღდგენისა, პირველსავე დეკლარაციაში და უკანასკნელ დღემდე, როცა მისი სუვერენობის მატარებელმა მთავრობამ დასტოვა ბათუმი,—საქართველო ოფიციალურად მუდამ ნეიტრალური იყო და ისიც საკმაოდ შეუიარაღებელი. ასეთმა პოლიტიკამ ვერ აგვაცდინა გაუთავებელი ომები და წელშიაც ადვილად გაგვტეხა. საერთო და საერთაშორისო კატაკლიზმის დროს ჩვენ გვიანდოდა «უმანკობაც დაგვეცვა და კაპიტალიც შეგვეძინა»; ვერც ერთი,—ვერც მახლობელი და ვერც შორეული სახელმწიფო ვერ დავიმეგობრეთ და ამიტომ რუსეთის ბარბაროსების შემოსევის დროს სრულიად განმარტოებულნი დავჩრით, ასეთი «ბრწყინვალე იზოლიაცია» ინგლისსაც არ გაახარებდა, მთელი მისი სიძლიერის პატრონს და ჩვენ კი ეს ვიკისრეთ ჩვენი პატარა ძალებით.

საუბედუროდ, მთელი წლის გადმოხვეწის შემდეგ, ჩვენ რეალურად თითქმის იმავე მიაპიტობის გზაზედ ვდგევართ და დრო კი არის საფუძვლიანად დაირღვეს ეს ქრისტიანიზმი პოლიტიკაში. დრო არის მარტო თეორეტიულად კი არა, პრაქტიკულად შეფუორიგდეთ იმ აზრს, რომ სამართლიანობაზე, ძმობა-ერთობაზე და ამგვარ პრინციპებზე მაღლა, დღესდღეისობითა, სდგას—მშრალი ინტერესი და დაუმტკიცოთ იმათ, ვინც თანაგვიგრძნობს სიტყვით და კომპლიმენტებით საქართველოს სილამაზუნედ და მის ლამაზ ქალებზედ, რომ საქართველოს აქვს სიზღიდრეც და ძალოვანი ვაჟკაცობაც. უნდა იცოდეს ჩვენმა მომავალმა მეგობარმა, უახლოესმა, რომ ჩვენ, გარდა პასიური საექსპლოატაციო, საეკონომიო წონისა, წარმოვადგენთ ცოცხალ ძალას, რომლის შეიარაღებული მნიშვნელობა და წონა საკმაოდ ღირსეული დასაყრდნობი იქნება. საქართველომ თავისი ორი-ათასი წლის ისტორიით დაამტკიცა არა მარტო კულტურული, არამედ დიზიკური ცხოველმყოფელობაც და ევროპის სახელმწიფო არ შეიძლება დღეს მივიზიდოთ მარტო პასიური შეთავაზებით, არამედ აქტიურად ჩვენი ძალების დახმარებით საერთო ინტერესებისათვის. მოკლედ, ჩვენ უნდა დავარღვიოთ ნეიტრალობა, რომ ჩვენი კერძო ინტერესი გახდეს ჩვენი მეგობრის რეალურ და მახლობელ ინტერესად.

რემა.



ბერლინის კონფერენციის იკვლივ.

საკმარისი იცო სამი კვირა ბერლინის კონფერენციის დასრულების შემდეგ, რომ გამორჩეულიყო მისი პრაქტიკული შედეგების უმნიშვნელობა.


აღენიშნოთ ფაქტები.

იმ ცხრათა კომისიას, რომლის შედგენას გულისხმობს ბერლინის დადგენილება, უპირველესად უნდა ეყადნა საერთაშორისო საპრო ესო ფრანტის გასაერთიანებლად გაემართა მოლაპარაკება ამსტერდამის და ეგრეთ წოდებულ წითელ (მოსკოვის) პროფესიონალურ ინტერნაციონალების წარმომადგენელთა შორის. დღეს უკვე აშკარაა, რომ ასეთი ცდა ფუჭი იქნებოდა. აპრილის შუა რიცხვებში ამსტერდამის ინტერნაციონალის თავმჯდომარემ ედო დიმენმა განაცხადა, რომ უდიდესი საერთაშორისო პროფესიონალური ორგანიზაცია წინააღმდეგია რაიმე ლაპარაკი გამართოს «მოსკოვის რაიბუნებთან» (ფიმენის სიტყვებია). ამის შემდეგ (აპრილის დამლევის) გაიმართა რომში ამსტერდამის ინტერნაციონალის კონგრესი, რომელზედაც სხვადასხვა დელეგატებმა ბიუროს დაუსვეს საკითხი—მართალია თუ არა თითქოს ბიუროს დელეგატები დაენიშნოს მოსკოველებთან მოსალაპარაკებლათო. ამ შეკითხვას პასუხი გასცა იმავე დიმენმა: «ჩვენ გავიუტხადეთ, რომ მზათა ვართ რუსეთის ნამდვილ პროლეტარებთან ერთად ვიბრძოლოთ, მაგრამ არას შემთხვევაში ე. წ. წითელი საერთაშორისო პროლეტარიატის წარმომადგენლებთან». ბერლინის კონფერენციის რეზოლიუციის შესახებ დიმენმა სთქვა: «ეს რეზოლიუცია ჩვენთვის სავალდებულო არ არის. ჩვენ და მხოლოდ ჩვენ ვართ ერთად-ერთი, ნამდვილი მუშათა ინტერნაციონალი, რომლის სიმტკიცე ვერ შეარცია ვერც მარტხიდან და ვერც მარჯვნიდან თავდასხვამო». კონგრესმა ბიუროს საერთო მოხსენებასთან ერთად ეს განცხადებებიც დაადასტურა. მკითხველმა იცის, რომ ამსტერდამის ინტერნაციონალი მართლაც უაღიერესი მუშათა ორგანიზაციაა მთელს დედამიწაზე, რომელსაც 25 მილიონი პროლეტარი ემრობა და რომლის სიძლიერე ვერ შეარცია კომუნისტების 3 წლის გამთიშვმა მუშაობამ ევროპაში. უამსტერდა-

მთ გაერთიანებულ საერთაშორისო პროლეტარულ ფრანტზე ლაპარაკი თავის მთელ შემთხვევაში იქნებოდა.

მაგრამ არც პროლეტარიატის პოლიტიკური ორგანიზაციები ეკიდებოან მეტის ხალისით ბერლინის რეზოლიუციის ცხოვრებაში გატარებას. მეორე დიდი პრაქტიკული საქმე, რომელიც დაავალა ცხრათა კომისიას ბერლინის რეზოლიუციამ, არის ცველა ქვეყნებში საერთო პროლეტარულ დემონსტრაციების გამართვა გენუის კონფერენციის მუშაობის დროს. ევროპის ორ უმთავრეს ქვეყანაში ჩაიშალა საერთო დემონსტრაცია. გერმანიის მეუმრავლესებმა, რომელთაც ემხრობა ორჯერ თუ სამჯერ მეტი მუშა ვინემ დამოუკიდებელ სოციალისტებს და კომუნისტებს ერთად, უარი სთქვეს კონუნისტებთან საერთო გამოსვლაზე. მათ განაცხადეს—რომ მხოლოდ მაშინ გამოვლენ კომუნისტებთან ერთად სადემონსტრაციოდ, როცა ბოლშევიკურ ქვეყნებში ციხეში მჯდომ სოციალისტებსაც შეძლება მიეცემათ თავისუფლად გამართონ დემონსტრაციებიო. მიუხედავად ამისა დამოუკიდებლებმა და კომუნისტებმა გერმანიაში 20 აპრილს გამართეს საერთო დემონსტრაციები, რომლებშიაც, როგორც მოსალოდნელი იცო, შედარებით, მუშათა მცირე რიცხვმა მიიღო მონაწილეობა (ბერლინში მხოლოდ 50,000-მდე). მეორე მხრით, ევროპის უდიდესმა კომუნისტურმა პარტიამ, საფრანგეთისამ, თავის სპეციალურად მოწვეულ პარტიულ კონფერენციაზე, ამ დღებში (აპრილის დამლევის) დიდის უმრავლესობით (3,000-ზე მეტი 600-ის წინააღმდეგ) მიიღო დადგენილება საზოგადოთ გაერთიანებულ ფრანტის და კერძოთ სოციალისტურ პარტიასთან ერთად დემონსტრაციის გამართვის წინააღმდეგ.

საერთო დემონსტრაციები საერთო ლოზუნგებით, როგორც ამას ბერლინის რეზოლიუცია მოითხოვს, მოხდა მხოლოდ ავსტრიაში, შვიძლება მოხდეს ბელგიაში, ინგლისში, სკანდინავიის ქვეყნებში. მაგრამ ეს ხომ სწორედ ის ქვეყნებია, საცა პროლეტარიატი ისედაც გაერთიანებულია, რადგან აქ კომუნისტები თითქმის არაარაობას წარმოადგენენ. ამ დემონსტრაციებს მოქიშვე ორგანიზაციების გაერთიანების საქმისათვის თითქმის არავითარი მნიშვნელობა არ აქვს და არ ექნება. სწორედ იქ, საცა აზრი ექ-



ნებოდა გაერთიანებულ მოქმედებას, როგორც გერმანიაში და საფრანგეთში, დემონსტრაციის საქმეშიაც კი ვერ მიაღწიეს შეთანხმებას.

აღნიშნული დაქტები მოქმობენ, რომ ახლო მომავალში შეუძლებელია ნამდვილად გაერთიანებულ პროლეტარულ ფრონტის შექმნა მესამე ინტერნაციონალთან. და განა ბოლოს და ბოლოს ამასვე არ მოქმობს ბერლინის მოლაპარაკების მსვლელობა? განა ამასვე არ ამტკიცებს თვით ბერლინის საერთო რეზოლიუცია თანდაცოლილი კერძო განცხადებებით? «თავ. საქ.»-ს წინა ნომერში მოცენილ ანგარიშიდან მკითხველი დაინახავდა რამდენად შეურიგებელია ის ორი მთავარი პოზიცია, რომელიც ბერლინში ერთი-მეორეს დაუპირდაპირდა. როცა ორი მოწინააღმდეგე ბანაკის წარმომადგენლების სიტყვებს ეცნობი, ზედავ, რომ რეალური, არსებითი შეთანხმება მათ შორის შეუძლებელია. რეზოლიუცია თითქოს კომპრომისის წარმომადგენს ამ ორ ბანაკთა შორის. მაგრამ ის სეპარატიული განცხადებები, რომელიც სამივე ინტერნაციონალების წარმომადგენლებმა თან დაურთეს საერთო რეზოლიუციას, ამ კომპრომისის თითქმის სავსებით აბათილებენ და მოქმობენ, რომ ორივე უკიდურესმა ერთმან, განსაკუთრებით კი მეორე ინტერნაციონალმა, ისევე წინანდელი, შეურიგებელი პოზიციები შეინარჩუნეს. და ეს, ჩვენის აზრით, სრულიად ბუნებრივია: ვერავითარი მოლაპარაკება, ვერავითარი შეთანხმება ვერ გადაჭრის იმ ღრმა წინააღმდეგობას, რომელიც ერთმანეთს აშორებს მეორე და მესამე ინტერნაციონალებს. ასეთი წინააღმდეგობის მსაჯულია ცხოვრების გამოცდილება. ორივე მხარის მეოღდების ასეთი რეალური გასამართლება დიდი ზანია დაიწყო და ამ გამოცდილების წელობითაა, რომ ევროპის მუშათა მასები თანდათან იკურონებიან კომუნიზმის პსიხოზისაგან. ეს განკურნების პროცესი აუცილებლათ უნდა დასრულდეს. მას ვერ შეაჩერებს ვერავითარი მოლაპარაკება და კომუნისტებთან საერთო ფრონტზე ოცნება. ბერლინის რეზოლიუცია ხელფვნურად შეკოწიწებული, ნაძალადევი «შეთანხმებაა» და რა გასაკვირია, რომ სინამდვილემ მეორე დღესვე გამოააშკარავა მისი შეუსაბამობა.

თუ ასე უმნიშვნელო გამოდგა ბერლინის კონფერენციის პრაქტიკული შედეგები, თვით

მოლაპარაკებას უდიდესი ისტორიკული მნიშვნელობა აქვს. აქ პირველად შეხვდნენ ერთმანეთს პირისპირ თანამედროვე საერთაშორისო მუშათა მოძრაობის ორი მთავარი ბანაკის წარმომადგენლები და აქ, უშუალო ბრძოლაში, გამოაშკარავდა ერთისა და მეორეს იდეური სახე. ბერლინის მოლაპარაკებამ ბევრ კითხვებში დასკვნა გაუკეთა იმ თითქმის ხუთი წლის ბრძოლას, რომელიც მათ შორის სწარმოებდა. ჩვენ ვერ გამოუდგებით ეხლა ცველა დასკვნების აღნიშვნას. ამას დიდი ადგილი დასჭირდება. მოკლედ აღნიშნავთ შედეგებს მხოლოდ ერთ კითხვაში, რომელიც, შეიძლება ცველაზე უფრო დამახასიათებელი საკითხი იყოს ამ ბრძოლაში. ეს არის საქართველოს საკითხი.

ამას წინათ პარიზის «კოპიულერში» საფრანგეთის სოც. პარტიის ერთი ზელმდგენელთაგანი, პოლ ფორი, სიხარულთ აღნიშნავდა კომუნისტების თანხმობას საანკეტო კომისიის დანიშვნის შესახებ საქართველოს საკითხის გამოსარკვევად, და დასძენდა—დარწმუნებული ვარ ცხრათა კომისია საკითხს გამოიკვლევს და ისეთი გადაწყვეტილება იქნება გამოჩნებული, რომელიც საერთაშორისო პროლეტარიატის სინიდის დააკმაყოფილებსო. ჩვენ არ ვიზიარებთ პოლ ფორის ოპტიმიზს. რა თქმა უნდა, მე-2 და 2^{1/2} ინტერნაციონალი შეეცდებიან კითხვის გარკვეულად დაგნებას, ჩვენც შეეცდებით, რომ საანკეტო კომისიის მუშაობამ, რაც შეიძლება ფართე ხასიათი მიიღოს, რომ კომისია არ დაჰმაოდილდეს «დოკუმენტების» განხილვით და ადგილობრივ, საქართველოში, გაგზავნოს თავისი წარმომადგენლები იქ საქმის ვითარების გამოსარკვევად. მხოლოდ ჩვენ არ გეგონია კომუნისტებმა კომისიის მუშაობას ხელი შეუწლონ, რადგან ისინი ცველაზე ნაკლებად არიან დანიტერესებული საკითხის გამორკვევაში.

მაგრამ რა პრაქტიკული შედეგეც არ უნდა მოჰყვეს ბერლინის დადგენილებას, ერთი დღეს ცველასათვის აშკარაა: საქართველოს საკითხში ბერლინში სასტიკად დამარცხდა მესამე ინტერნაციონალი და მასთან ერთად მოსკოვის მთავრობა.

მთელი წლის განმავლობაში მოსკოვის კომუნისტებმა აუარებელი ენერგია და ფული დახარჯეს იმ ლეგენდის გასაცრელებლად, თით

ქოს საქართველო მოსკოვის კი არ დაეცრას, არამედ იქ შინაური გადატრიალება მომხდარი-ყოს. ბერლინის კონფერენციაზე კი მოსკოვის ოფიციალური დელეგატი აშკარად აღიარებს, რომ მოსკოვმა საქართველო ძალით დაიპყრო, და რომ მან ეს დაპყრობა მოახდინა არა ქართველი პროლეტარიატის ინტერესებისათვის, არამედ იმავე მიზნისათვის, რომელსაც ცოფილივე იმპერიალისტური დაპყრობა ემსახურება: მან ქართველი ხალხი მსხვერპლად შესწირა რუსეთის ეკონომიურ ინტერესებს ბაქოში. «ბაქოს ნავთი ესაჭიროება არა მარტო პატარა საქართველოს ერს, არამედ რუსეთის დიდ ერსაც» — აი ერთად ერთი მოსაზრება, რომელიც რადეკმა მოიგვანა საქართველოს ოკუპაციის გასამართლებლად!

მთელი წლის განმავლობაში მოსკოვის მთავრობა უარს ამბობდა იმ წინადადებებზე, რომელიც საქართველოს სოც.-დემოკრატიამ წამოაყენა გასული წლის 10 აპრილის თავის რეზოლიუციაში (თფილისში), რომ საქართველოს საკითხი გაერკვია სამივე სოციალისტურ მიმართულების წარმომადგენელთაგან შემდგარ შერეულ კომისიას; მოსკოვი გადაჭრით უარს ამბობდა სოციალისტურ ინტერვენციაზე, საქართველოს საკითხის საღაო საკითხათ აღეარებაზე. ბერლინში კი მოსკოვის წარმომადგენლებმა ეს პოზიციაც დასთმეს, დასთანხმდნენ შერეულ სოციალისტურ საანკეტო კომისიას და ამით მათ აღიარეს საქართველოს საკითხი საღაო საკითხათ, დაუშვეს სოციალისტური ინტერვენციას უწოდებენ.

მესამე დიდი და შეიძლება ცველაზე უფრო მნიშვნელოვანი დამარცხება მოსკოვისა მდგომარეობს იმაში, რომ ვენის ინტერნაციონალის მომხრე პარტიები, რომლებიც საქართველოს დაპყრობის შესახებ აქამდე კიდევ რამდენიმეთ ყოყმანობდნენ და ორპოფ პოზიციას ადგენ, ბერლინის კონფერენციაზე ჩვენს საკითხში გადაჭრით მიემხრნენ მეორე ინტერნაციონალს. «საქართველოს საკითხში ჩვენ მეორე ინტერნაციონალთან ვართო», განაცხადა ვენელების ოფიციალურმა წარმომადგენელმა ოტო ბაუერმა. ამნაირად, საქართველოს საკითხში კომუნისტები დღეს სრულიად განმარტოებულნი არიან.

ერთის წლის ბრძოლამ, რომელეც საქართველოს გარშემო სწარმოებდა ევროპის ააღებია მოსკოვის მთავარ პოზიციებზე, იძულებული გახადა ის თვითვე აღეარებია თავისი დამარცხება და შექმნა მის წინააღმდეგ ევროპაში ნამდვილი გაერთიანებული სოციალისტური ფრონტი.

ამ ფაქტების მნიშვნელობას ველარ შეარცევს დღეს ვერც მოსკოვის ფულით და კარნახით წარმოებული ცილის წამების კამპანია «ლიუმანიტეში» და «როტე ფანეში», ვერც სრულიად რუსეთის სამხედრო მინისტრის, ბ-ნ ლევტროცკის სხვა და სხვა ევროპიულ ენებზე გამოხული მოზრდილი წიგნი, რომლის სწორედ რომ მთვრალი წითელ არმიელის ტონი და სტილი სავსებით შეედერება მის შინაარსს.

3.

რედაქციისაგან.

«თავისუფალი საქართველო» მუდამ ღია იყო ყველა მიმდინარეობისთვის, რომელიც კი დამოუკიდებლობის ნიადაგზე იდგა და ამ მიზნისთვის იბრძოდა. მის სარედაქციო კოლეგიაშიც მუდამ შედიოდა სხვა და სხვა მიმართულების ხალხი. მაგრამ ფაქტიური, მუდმივი თანამშრომლობა ამ უკანასკნელ დრომდე მარტო ერთ მიმდინარეობას აწვა თავზე. ყურნალი მაინც არ კარგავდა თავის უპარტიო სახეს და ცდილობდა ყველა ცოცხალ ძალების და მიმართულების თავის გარშემო შემოკრებას.

პარტიათა შეთანხმების შემდეგ პარიზში ეს შესაძლებელი შეიქნა და ამ დროიდან (№ 20) იწყება სხვადასხვა მიმართულებათა ოფიციალური მონაწილეობა ყურნალში. აქედან იბადება აუცილებლობა ერთგვარი ანართა ნიუანსების და თვალსაზრისის განსხვავების დაშვებისა. ამიტომ, საჭიროთ ვცნობთ, განვაცხადოთ მკითხველის საყურადღებოთ, რომ რედაქცია პასუხისმგებელია ყურნალის საერთო მიმართულებისთვის, ხოლო თვითეული ავტორი იმ წერილისთვის, რომელიც მისი ხელმოწერით იქნება.

სარედ. კოლეგია.



საქარ. სოც.-დემ. პუბ. პარტიის ანა-
ლექტალური კონფერენციის ანგარიში

დაეწარნენ წარმომადგენლები რესპუბლიკის ყველა ორგანიზაციებიდან: ქ. თფილისის და მისი რაიონების, რკინის-გზების ორგანიზაციების, ბორჩალოს და თფილისის მაზრის, კახეთის, ქართლის, მესხეთ-ჯავახეთის, ქიათურა-შორაპნის, ქუთაის-ტყიბულის, რაჭა-ლეჩხუმის, სამეგრელო-ფოთის, გურიის, ბათუმის და აფხაზეთის.

საქართველოში გამეფებულ ტერორისა და მთელი სოც.-დემოკრატიული მუშათა პარტიის არალეგალურ მდგომარეობაში ჩაყენების გამო, კონფერენციის დელეგატები ქუთაისის და თფილისის მიადამოებში ათი დღის უნაყოფო ცდის შემდეგ, იძულებული გახდნენ გახიზნულიყვნენ საქართველოს ერთ-ერთ მაზრაში და იქ ზამთრის ყინვებში ტყეში მოეწყობათ კონფერენცია.

კონფერენციის პირველი დღე.

5 თებერვალს საღამოს 8 საათზე ცენტრალური კომიტეტის სახელით კონფერენცია გახსნა ძველმა რევოლიუციონერმა ამხ. ს. ჯიბლაძემ.

ამხ. ს. ჯიბლაძის სიტყვა.

მოგესალმებით ამხანაგებო და საქართველოს სოციალ-დემოკრატიულ მუშათა პარტიის ცენტრალური კომიტეტის სახელით კონფერენციას გახსნილათ ვაცხადებ. წარსულმა ბედნიერმა დღეებმა გამანებვიერეს. თავისუფლად, ფართედ სადღესასწაულო კრებებს შეგვაჩვიეს, მაგრამ ეს ჩვენი დღევანდელი ვიწრო ფართული კრებაც ისტორიული კრებაა. ჩვენი პარტია თქვენი სახით დღეს პირველათ და, ღრმად დარწმუნებული ვარ, უკანასკნელათ იკრიბება ამ ჯოჯოხეთურ პირობებში, რომელიც უკუღმართმა წარსულმა წელმა ჩვენ მოგვიტანა, ჩვენ მოგვიმზადა. მაგონდება, თვალწინ მიდგას ჩვენი უკანასკნელი თავისუფალი ყრილობა თავისუფალ საქართველოში ამ ერთი წლის წინეთ. არ ვიცი, რას ფიქრობდენ, რას გრძობდენ მაშინ კრების დანარჩენი მონაწილენი. პირადათ მე კი, უნდა ვაღვიარო თქვენ წინაშე, მაშინ—იმ თავისუფალ კრებაზე ბევრათ უფრო ცუდ გუნებაზე ვიცავა, ვინემ დღეს აქ ამ ფართულ ჯურღმულში. გარედან რკალივით შემორტყმული წითელი ანარქია და ამის გამო შიგნით ჩვენი ფინანსიურ-ეკონომიური გათულებანი ერთის მხრით,

მეორესი—ჩვენი პარტიული მოლიანტეჟიონის შეგრევა-შეტყევილობა,—აი რა მატარებდა მის შინ, რა სწამლავდა ჩემს სულსა და გულს. თავის მოტყუილება იქნებოდა არ დაგვენახა ის საფრთხენი, რომელიც წინ გვედგა მთელი თავისი მუქარით. ჩვენ ცაზე მცურავი შავი დრუბლები კარგს არას გვიქადიდა, საეჭვო ელექტრონით იყლენებოდა. მოსალოდნელი იყო ყოველ წუთს მების გავარდნა და აი, ის გავარდა კიდევ. ეს იყო უდიდესი განცდა და იმავე დროს—გამოცდა ჩვენი პარტიის და მასთან ერთად მთელი ჩვენი ერის, რომლის პოლიტიკური ხელმძღვანელობა ისტორიამ ამ ჩვენ პარტიას არგუნა.

როგორ შევასრულა მან ეს დიდი საპასუხისმგებლო როლი? ის უბედურება, რომლის სიმძიმეს ქვეშ, აგერ ერთი წელიწადია სულს ლაფავს მთელი ხალხი, ეგებ ჩვენი ბრალია, ეგებ ის პოლიტიკური ხაზი, რომელიც ჩვენ ავიღეთ, მრუდე და დამღუპველი ხაზი იყო? პოლიტიკა, ამხანაგებო, მათემატიკა არაა, რომ მოვლენათა წინდაწინე სრული სისწორით გათვალისწინება ადვილი საქმე იყოს, აქ—პოლიტიკაში თქვენ გაქვთ საქმე მეტათ რთულ და სათუთ ორგანიზმთან, როგორც საზოგადოებას. აქ ერთ შემცდარ ნაბიჯს შეუძლია მთელი ხალხის ბედის ნავი უფსკრულში გადაისროლოს. ამის ცოცხალ სურათს დღეს რუსეთი წარმოადგენს. ვინ იტყვის რომ რუსეთის დღევანდელი მესვეურნი—ბოლშევიკები მისი მტერნი იყვნენ, რომ მათ რაღაც ბოროტი განზრახვანი ამოტრავებდენ, მიუხედავათ ამისა ამ მოვგრებმა, ამ «მუშათა და გლეხთა» მოციქულებმა, რაღაც ოთხიოდე წელიწადში შეიძლება ბევრათ უფრო მეტი უბედურება დაატეხა თავზე ამავე მუშებს, გლეხებს და საერთოთ მთელს ამ უბედურ ქვეყანას, ვინემ საუკუნოების განმავლობაში თვით მეფეთა ბატონობამ. და ეს იმიტომ, რომ ბოლშევიკებმა აირჩიეს მეტათ ყალბი გზა. უკან ჩამორჩენილ, ნახევრათ ელურ რუსეთში მათ განიზრახეს სოციალური სასწაულის მოხდენა, რასაც უნდა მოყოლოდა და მოგვა კიდევ საშინელი სოციალურ-პოლიტიკური დაშლა და წარდენა. და აი, როდესაც ისინი იქ, თავისი პოლიტიკური სიბეცით ანგრევდენ უზარმაზარ სახელმწიფოს, ამ დროს, ამ ნანგრევების ფერფლიდან ჩვენი დემოკრატია, ჩვენი პარტიის



საქართველო

ხელმძღვანელობით ჰქმნიდა და კიდევაც შექმნა სრულიად ახალი სახელმწიფო, სრულიად ახალს, ჯერ არსად არ არსებულს დემოკრატიულ საფუძველზე. ცხადია, ჩვენ ამას ვერ შევძლებდით, რომ ჩვენი ცხოვრებისთვის ალღო არ აგვეღო, ან გვეღალატნა იმ ნაცადი პოლიტიკური გზისათვის, რომელიც ჩვენ თავიდანვე ავიღეთ. დემოკრატიზმით სოციალიზმისაკენ—აი ჩვენი გზა. და ვიტყვი: ჩვენი ბედი, რომ მართლ ჩვენს ხელში ყოფილიყო, ჩვენ იმას გამოვსუქედით ისე, როგორც შეიძლება დღემდე არც ერთ ერს არ გამოუტყედია.

მაგრამ ეს ასე არ მოხდა. დღეს ეს ასე არ ხდება. ველურობის წიაღიდან გამოსული კულტურული კაცობრიობა ჯერ კიდევ ატარებს თავის ბუნებაში დაღს ამ ველურობისას. ჯერ კიდევ ყველანი ცველას ჩასაყლაპავათ შესცქერიან. ჯერ კიდევ ძალაში რჩება ძველი თქმულება, რომ კაცი კაცისთვის, მამასადამე ხალხიც ხალხისთვის, მგელია.

ამ დაუძველებელი ტყუილობების მრისხანე გამოხატულება ჩვენ უკვე ვიხილეთ. ჩვენ ვიხილეთ ის საშინელი ომი, რომელშიაც თანამედროვე კაცობრიობის დევები სამკვდრო-სასიცოცხლოთ დაეჯახენ ერთმანეთს, რომელმაც ძირბუდიანათ შეარყია და ააფორიაქა მთელი მსოფლიო, რომელმაც დაანგრია მთელი რიგი სახელმწიფოებისა და გაანიავა საუკუნოებით დაგროვილი ნივთიერი და სულიერი დრვალთი კაცობრიობისა. ამ ომის საშოდან ამოკედნ ის წითელ კანიანი ველურებიც, რომლებმაც თავის თავი კომუნისტებათ მონათლეს. ამ სოციალიზმის მაძიებელმა რაინდებმა, მათი ხელით დანგრეულ სამშობლოში სოციალიზმის მაგიერ მხოლოდ თებერვლის რევოლიუციის მიერ უკუღებული მეფის უღელი იპოვეს. თავისებური სისწრაფით სტაცეს ხელი და ჯერ თავის მრავალგანაწამებ ხალხის დაშავებულ კისერზე გაამარეს, შემდეგ კი შიგ შეუბეს სხვა პატარა თავისუფალი ერებიც.

ეს მწარე ხვედრი, სამწუხაროთ, ვერც ჩვენ ავიციდნეთ. ეს მგლები, რომელნიც კაიხანია კბილებს იღესადენ ჩვენს წინააღმდეგ, ჩვენი შინაური მგლების წინამძღოლობით ბოლოს ჩვენს საზღვრებშიც შემოიჭრენ და დაადვენ ჩვენ ნორჩ რესპუბლიკას თავისი გამანადგურებელი თათები.

ამ ნაირათ, გარედან მოსულმა მსხვერპლებმა თვის დაკვრით მოგვტაცეს უანრავი მსხვერპლით მოპოვებული ჩვენი ორივე განძი—ორივე თავისუფლებანი—პოლიტიკური და ეროვნული.

ასეთია ამხანაგებო, მოკლეთ ჩვენი დღევანდელი ვითარება. აქ, ამ ვითარებაში, მსხვილი და ნათელი ასოებითაა ჩაქსოვილი ჩვენი დღევანდელი მიზანიც: ამ ოკუპანტების ჩვენი საზღვრებიდან გაყვანა, ამ ახალი ფერშეცვლილი თვითმპყრობელობის უღლის ისევ უკუღდება, ხალხის ბატონობის და მისი დამოუკიდებლობის ისევ აღდგენა. რა გზით? ჩვენთვის დღეს ესეც ნათელია. ამ გზას ჩვენ გვიკარნახებს თვით ამ ოკუპანტთა კოფაქცივის ერთი წლის პრაქტიკა, მათი გამოშვლებული ველური პოლიტიკა, მათი გაცოცხლებული ტერორი, რომელმაც მოგვისპო ყველა საშვალეხანი ბრძოლის ლეგალურ ფარგლებში წარმოებისა. მდგომარეობა, თქვენ ხედავთ, მეტათ სერიოზულია. ჩვენ პარტიას და მასთან ერთად მთელ ქართველ ხალხს ფიზიკური და მორალური სიკვდილით ემუქრებიან. ჩვენ ამას ვერ ავიტანთ, ჩვენ ამას ვერ შეუტიგდებით. რა ვქნათ, რა დაგვრჩენია? უბეში ძალის წინააღმდეგ ძალისავე დაპირდაპირება, ჩვენი დემოკრატიის, მთელი ერის ყველა სასიცოცხლო ძალების დარაზნება, მათი მობილიზაცია,—აი რისთვის უნდა ვემზადებოდეთ დღეს ჩვენ, აი ჩვენი დღევანდელი ტიქტიკა.

ჩვენი საკუთარი ძალებით? შემეკითხებით თქვენ. ამხანაგებო, სანამ ბატონობს ბურჟუაზია და მისი წესწობილება, სანამ არსებობს კლასთა და ხალხთა შორის ბრძოლა, სანამ კაცობრიობას ვერ დაუღწევია თავი იმ ბიოლოგიური პრინციპების ზეგავლენიდან, რომელზედაც მე ზევით მოგახსენებდით, არამც თუ ჩვენისთანა პატარა, დიდ და ძლიერ ერებსაც კი დღეს არ ძალუძთ თავის საკუთარ ძალებზე დაკრძნობით თავის არსებობის შენარჩუნება. სწორედ აი აქ მარხია სათავე იმ სატანისებურ ქსოვილისა, რომელსაც საიდუმლო დიპლომატია ეწოდება და რომელიც ხალხთა შორის არსებულ გაცოცხლებულ შეჯიბრებაში და ქიდილში უდიდეს იარაღს წარმოადგენს. ჩვენ ამ საიდუმლო ხელოვნებით, რასაკვირველია, ვერ დავიკვებნით. მიუხედავად ამისა ჩვენ თავიდანვე ძალიან კარგათ გვქონდა გათვალისწინებული, რომ ისე იმ სიცოცხლეს, რომელიც





ჩვენ იძულებული ვიყავით გვეცინა რუსეთი-დან გამოყოფით, ვერ შევიტყუებდით თუ ობლათ, განმარტოებული დავრჩებოდით. და აი, დღი-დან ჩვენი დამოუკიდებლობის გამოცხადებისა მთელი ჩვენი საგარეო პოლიტიკა სწორეთ იქითკენ იცო მიმართული, რომ ეს საბედისწე-რო ნაკლი, ეს განმარტობა თავიდან აგვეშო-რებია და ვიტყვი: ჩვენს პარტიას აქვს სრული უფლება იამაყოს იმ უნარით, რომელიც მან აქაც, ამ საგარეო მუშაობის სფეროშიაც გა-მოიჩინა და იმ შედეგებით, რომელსაც მან მიაღწია. თქვენ იცით ამხანაგებო, დღეს ჩვენ-თანაა უდიდესი სოციალური ძალა, ჩვენთანაა მთელი თავისი მორალური წონით საერთაშო-რისო დემოკრატია, რომელიც ბუნებრივი მო-სარჩლეა და მექომავა ყველა დაზარაულთა, რომელსაც ეკუთვნის მომავალი, რომელსაც დღესაც დიდი ფასი აქვს და, მიუხედავად დამ-ლუპველი ომის ზეგავლენით მისი მთლიანობის გატეხვისა, მის ხმას დიდ ანგარიშსაც უწევენ დღევანდელი ძლიერნი ამა ქვეყნისა. დღეს ჩვენ თან არიან, ამხანაგებო, ჩვენი უბედური მეზო-ბლებიც. გაჭირვებამ მათაც ასწავლა ფასი ხალხ-თა და მეტადრე მეზობელ ხალხთა შორის სო-ლიდარობისა. ვგ ცოტაა. დღეს ჩვენსკენ—ჩვენ-და სასარგებლოთ იხრება სასწორი თვით საერ-თაშორისო პოლიტიკური მდგომარეობისა. მა-გრამ ამხანაგებო, ერთი რამ მუდამ უნდა გახ-სოვდეთ, ერთი რამ არ უნდა გვევიწყდებოდეს: რეალური ღირებულება ყველა გარეშე ძალთა ჩვენდამი კეთილგანწყობილებისა მჭიდროთაა გადანასკვეული ჩვენ შინაურ ძალთა ორგანიზა-ციის ღირებულებასთან და მეც აქეთკენ, ამ შინაურ მზადებისაკენ, შინაურ ძალთა დარაზ-მვისკენ მოგიწოდებთ თქვენ.

ვერ დაგიმალავთ, თუმცა ჩვენი პერსპექტივა დღეს ბევრათ უფრო ნათელი და დიდი იმედე-ბით მოსილია, ვინემ გასულ წელს,—ჩვენ დღე-საც დიდი გართულების შესაძლებლობის წინ ვდგევართ. ჩვენი ცა დღესაც არაა მოწმენდილი, მაგრამ გვაქვს ბევრი საბუთები ვიფიქროთ: თუ მეხი აუცილებელია, თუ ის გავარდა, გავარდება ჩვენდა საკეთილდღეოთ, ჩვენდა აღსადგენათ. ჩვენ აღვსდგებით ახლო მომავალში. ამ რწმენ-ით და იმედებით ვცოცხლობ მე და ამითვე ვათავებ ჩემ მისალმებას.

დაასარულ, ამხანაგებო, მებრძოლთა მოვა-

ლეობა და ამხანაგებისადმი პატივისცემის გულ-ვალებს მოვიგონოთ თავისუფლებისათვის ბრძო-ლის ველზე დაღუპულნი გმირთა-გმირები და ოკუპანტების მიერ ციხეებში და ჩეკას ბნელ სარდაფებში ჩაკლული ამხანაგები: პარმენ ჭი-ჭინაძე, სეთ რაზმა'ე, ამხანაგი ლეო ნათაძე, მარიამ ბერიანიძე და სხვა მრავალი. ფეხზე ად-გომით პატივი ვსცეთ მათ ნათელ ხსოვნას. (დე-ლევატები ფეხზე დგებიან).

ამხ. სილიბისტროს სიტყვის შემდეგ კონფე-რენცია ირჩევს პრეზიდიუმს: თავმჯდომარეთ ამხანაგ ხ. ჯიბლაძეს, მდივნათ ნ. ნიალელს.

თავმჯდომარის წინადადებით კონფერენცია თავის საპატიო თავმჯდომარეებათ ირჩევს მსო-ფლიო მუშათა კლასის ბელადებს: ნ. ყორღა-ნიას, ნ. ჩხეიძეს (საქართველო), კ. კაუცკის, კნაიისს, მაკდონალდს, ჰენდერსონს, სნოუდენს, ტომა შოუს, გედს, ლონგეს, პოლფორს, რე-ნოდელს, ვანდერველდეს, ჰიუსმანსს, სერატის, ტრევეს, აქსელროდს, მარტოვს, ადლერს, ოტო-ბაუერს, ბრანტინგს, ბერშტეინს, ჰილ-ფერდინგს, გრეილისს, ტანნერს, დაშინსკის.


მიღებულ იქმნა შემდეგი რეგლამენტი: მომ-ხსენებელს 30 წუთი, საბოლოო სიტყვისათვის 15 წუთი, ორატორებს პირველი სიტყვისათვის 10 წუთი, მეორე სიტყვისათვის 5 წუთი.

შემუშავდა შემდეგი დღის წესრიგი:

- 1) მომენტი და ტაქტიკა.
- 2) ინტერნაციონალის გაერთიანება.
- 3) კომუნისმი და სოციალ-დემოკრატია.
- 4) ცენტრალური კომიტეტის მოხსენება.
- 5) ორგანიზაციულ მუშაობაზე.
- 6) პროფესიონალური მოძრაობა.
- 7) შიმშილზე.
- 8) კოოპერატიული მოძრაობა.
- 9) მისალმებანი.

1. რეზოლიუცია მომენტზე და ტაქტიკაზე.

აღნიშნავს რა ბოლშევიკური ოკუპაციის მიერ თავის დაპირებების დარღვევას საქართვე-ლოს მიმართ, ტერიტორიის დაქუცმაცებას, სიმდიდრის რუსეთში გაზიდვას, ქართველობი-სადმი უნდობლობას, მოსკოვის იმპერიალის-ტური მოთხოვნილებების თანახმად, რეზოლიუ-ცია აღიარებს, რომ მთავარი ძალა საქართვე-ლოს დამოუკიდებლობის დამცველი—ქართვე-ლი მუშები და გლეხებია, და რომ ამიტომ ბოლშევიკები სწორეთ ამ ძალების დევნას და აწიოკებას ანდომებენ თავის მთელ ძალას. შემ-



დევ რეზოლიუციაში ჩამოთვლილია, რუსიფიკატორული პოლიტიკა, თავისუფლების მოსპობა, ქართული ჯარის გაუქმება, და დასკვნის, რომ ბოლშევიკები შემოვიდნენ საქართველოში მაშინ, როცა იგი თვით რუსეთში დამარცხდა, როგორც სოციალისტური მთავრობა და აშკარათ შედგა ნაციონალისტურ იმპერიალისტურ ნიადაგზე. ოკუპანტებმა, რომელნიც თითქოს მუშებისა და გლეხების სახელით განაგებენ ქვეყანას, ვერ გახედეს მუშათა და გლეხთა საბჭოების ნამდვილი და თავისუფალი არჩევნების მოხდენა. სოციალ-დემოკრატებმა წინადადება მისცა ეგრეთ-წოდებულ რევკომს, რომ საქართველოს მუშათა კლასისა და გლეხობის წების გამოთქმას კონტროლი გაუწიოს ევროპის სოციალისტებისა და კომუნისტების შერეულმა კომისიამ. კიდევ მეტი, საქართველოს სოც.-დემ. მუშ. პარტიის ცენტრალურმა კომიტეტმა მას წერილობით განუცხადა, რომ ის თანახმაა ამ კომისიაში უმრავლესობა ევროპის კომუნისტები ყოფილიყო. მაგრამ როგორც მოსალოდნელი იყო, დამპყრობლებმა უარყვეს ეს ყოველად უდავო და სამართლიანი წინადადება და აწყობენ საქართველოში ისეთ საზოგადოებრივ კომედიებს, რომლის მსგავსი არ იცის თვით ბოლშევიზმით წამებულმა რუსეთმა. ოკუპანტებმა საქართველოში არჩევნების უფლება წაართვეს ქართველ მშრომელ ხალხს და ასეთი უფლება მისცეს რუსეთის ჯარებს, რუსეთიდან ჩამორევილ ჩინოვნიკებსა და მათ ოჯახებს. საქართველოს მშრომელმა ხალხმა, ყველა პოლიტიკურმა და მთელმა ერმა უარჯო, რასაკვირველია, იმ საარჩევნო კონცეფციაში მონაწილეობა, რომელსაც ჩმახავს საოკუპაციო ხელისუფლება. საქართველოს თავისუფალი და დამოუკიდებელი რესპუბლიკა დაიპყრო, ოკუპაციის ქვეშ დააყენა რუსეთმა და ამ დაპყრობის დასადასტურებლათ ოკუპანტები აწყობენ დიდ საარჩევნო სიყალბებს, მაგრამ ქართველი ერი არ ღებულობს და ვერც მიიღებს მონაწილეობას ამ ეგრეთ წოდებულ არჩევნებში. ქართველი ერის ნამდვილი ხელისუფლების არჩევნები შეიძლება მხოლოდ მაშინ, როდესაც უცხოელთა ოკუპაცია მოიხსნება.

საქართველოს დღევანდელი ტრადიკული მდგომარეობა არის შედეგი საერთაშორისო ძალთა ჭიდილისა. საქართველოს დღევანდელი შინაგანი მართველობა შედეგია მისი უცხო ძალის მიერ დაპყრობისა. მისი შინაგანი მონობის უღელი გადავარდება მაშინ, როდესაც ის განთავისუფლდება რუსეთის ოკუპაციისაგან.

საქართველოს დამოუკიდებლობის აღდგენის საქმეში სოც.-დემ. პარტია კვლავინდებურათ დაეყრდნობა საქართველოს მუშათა კლასისა, მოწინავე გლეხობისა და მთელი დემოკრატიის მოქალაქობრივ შეგნებასა და ნაცად რევოლიუციონურ ენერჯიას, საერთაშორისო მუშათა კლასისა და განახლებულ ქვეყნების დემოკრატიის უნაგარო თანაგრძნობასა და დახმარებას. აწარმოებს რა საკუთარ კლასიურ პოლიტიკას, საქართველოს სოც.-დემოკრატია საქართველოსთვის ამ ტრადიკულ და სამედისწერო მომენტში საჭიროთ სთვლის ხელი შეუწყოს მთლიანი ეროვნული სახელმწიფოებრივი ფორმის შექმნას ერის იმ სასიცოცხლო ძალებიდან, რომელნიც დგანან დემოკრატიულ ნიადაგზე განურჩევლათ ტომისა და რწმენისა, ერთი მიზნით: ერის ფიზიკური, ეროვნულ-კულტურული განადგურებისაგან გიდასარჩენათ, რუსეთის ოკუპაციის მოსახსნელად და საქართველოს დამოუკიდებლობის აღსადგენათ.

2. რეზოლიუცია ინტერნაციონალზე.

მოსმინა რა მოხსენება საერთაშორისო სოციალისტურ მოძრაობის შესახებ, საქართველოს სოც.-დემ. მუშ. პარტიის კონფერენცია აუცილებლათ სცნობს ერთი მთლიანი ინტერნაციონალის აღდგენას, რომელიც თავისი გაერთიანებული ძალებით ისტორიულათ მოწოდებულია გადამჭრელი როლი ითამაშოს დღევანდელ საერთაშორისო ეკონომიურ და პოლიტიკურ კრიზისის დასაძლევათ. ამ მთლიანობის აღსადგენათ კონფერენციას აუცილებლათ მიაჩნია სხვა და სხვა მიმართულების სოციალისტურ პარტიათა შორის საერთო შეთანხმება ყველა სექციებისათვის სავალდებულო პროგრამის და ტაქტიკის ძირითადი დებულების მიღებით, რომელიც სრულდებით თავისუფალი უნდა იყოს ბუნტარულ და ავანტიურისტულ ელფერისაგან.

რაც შეეხება დროებით შეთანხმებას ამა თუ იმ კონკრეტულ კითხვაზე ინტერნაციონალში არსებულ მიმართულებათა შორის, — ეს სასურველია შემთანხმებელთა შორის შემდეგი წინასწარი პირობის მიღებით:

- 1) ბრძოლა მილიტარიზმთან და ეროვნული თვითგამორკვევის სრული აღიარება.
- 2) მუშათა ეკონომიურ მდგომარეობის გაუმჯობესებისათვის.
- 3) სხვა და სხვა მიმართულების სოციალისტურ და პროფესიონალურ ორგანიზაციების და პრესის ლეგალური არსებობის უდაო და სავსებით დაცვა ყველა ქვეყნებში.

(დასასრული იქნება)





საერთაშორისო მუშათა კლასს და დემოკრატებს.

თფილისის პროლეტარიატისაგან.

17 თებერვალს ღამით გარდაიცვალა საქართველოს მუშათა კლასის ბელადი და საქართველოში სოც.-დემოკრატიულ ორგანიზაციის დამარსებელი მოხუცი რევოლიუციონერი სილიბისტრო ჯიბლაძე.

გარდაიცვალა საშინელ ტანჯვა-წამებაში, დევნაში და შავებელ დროში.

მთელი ზაფხული ის ჯერ «ჩეკის» ბნელ სარდაფში, შემდეგ კი მეტეხის ციხეში აწამეს და მხოლოდ მძიმეთ დავათმცოდნეული დროებით განთავისუფლეს; რამოდენიმე დღის შემდეგ წილათ ხვდა დევნა ველური და ამ დევნაში გაათავა თვისი წამებული სიცოცხლე.

ჩვენი ძვირფასი მოხუცი—დევნილი რევოლიუციონერი თავის ბინაზე მივასვენეთ მალულად, ღამით...

ჩვენ გვინდოდა მოხუცი მასწავლებლისათვის, მუშათა კლასისთვის თავგანწირული მეტროპოლისისათვის 23 თებერვალს პატივი გვეცა და ცივ სამარესათვის ღირსეულად მიგვებარებინა... მაგრამ წამებულს ესეც არ ეღირსა. დამგლოვიარებულ მუშათა კლასს ამის ნება არ მოგვეცა.

ჩაიდინეს ისტორიული საშინელება... დამწუხრებულ ქართველ ერს, მშრომელ ხალხს, კიდევ ახალი უბედურება დაატეხეს თავზე.

21 თებერვალს საღამოს 8 საათზე სილიბისტრო ჯიბლაძის ბინას თავს დაესხა ჩეკის შეიარაღებული რაზმი. ქუჩებში გარეკეს ხალხი, ჭირისუფლები, მშობლები, ტლანქი, უხეში ძალით გარეკეს და მოხუცის ცხედარი გაიტაცეს. წაიღეს ღამით და რუსების ეკლესიის ეზოში დაასაჯლავეს და საფლავს დარაჯები დაუყენეს.

ეს ჩაიდინა საქართველოში რუსის ხიშტებით გაბატონებულმა საოკუპაციო მთავრობამ. ამით მათ სასტიკად შეურაცხვეს უდიდესი რევოლიუციონერის წმინდა ცხედარი და ფეხქვეშ გასთელეს მთელი საქართველოს კლასის ბრძოლის ისტორიაც.

მთელი საქართველოს მშრომელი ხალხის სიყვარული, მისი წმინდათა წმინდა მოხუცი სილიბისტრო, რამოდენიმე ათეული წლების რევოლიუციონერი, რომელიც ხანგრძლივად

იტანჯა ცარიზმის დროს ციმბირის ციხეებში და ეტაპებში, რომელმაც მთელი თავისი სიცოცხლე მუშათა კლასს და სოციალიზმისათვის ბრძოლას შესწირა, საქართველოს დაპყრობის დროს მას წილად ხვდა საშინელი წამება-დევნა, სიკვდილი და გარდაცვილი ქურდული თავდასხმა და საშინელი შეურაცყოფა...

ის ჭირისუფლებს გამოსტაცეს... მისი გარინდებული ცხედარი მტრებმა წაიღეს...

ამ საშინელ და ჯერ არ მომხდარ ამბავით აღშფოთებულია მთელ ქართველ ერთან საქართველოს მუშათა კლასი.

გატკობინებთ რა ამას საერთაშორისო მუშათა კლასს და მთელი ქვეყნის დემოკრატებს დაე, იცოდეთ, რომ 21 თებერვალს რუსეთის ჯარების საოკუპაციო რევიკომის საგანგებო კომისიამ ჩვენი საცვარელი მოხუცი სილიბისტრო ჯიბლაძის ცხედარი ღამით დაატყვევა და გაიტაცა.

მონღოზობით:

რკინის-გზის მთელი სახელოსნოს და დეპოზს მუშებისაგან. *)

სამხედრო არსენალის მუშებისაგან.

ტრამვაის მუშებისაგან.

სტამბა-ლიტოგრაფიების მუშებისაგან.

ადელხანოვ-ტოლეს ქარხნების მუშებისაგან.

ნავთლულის რკინის-გზის მუშებისაგან.

თამბაქოს ქარხნების მუშებისაგან.

ელექტრონის სადგურის მუშებისაგან.

მოსწავლე ასაღვასდობის გამოსვლები გურიაში.

ოზურგეთი. მიუხედავად ცუდი ამინდისა და სხვა მრავალ ხელშემშლელ მიზეზებისა, ოზურგეთში მოწაფეობამ დილიდანვე იწყა დენა სასწავლებლებში, 11 საათსა და 20 წუთზე ქალაქში ყველა სასწავლებლებში (ქალთა და ვაჟთა გიმნაზიები, საოსტატო სემინარია 1. 2. 3 შრომის სკოლები) ისმის სათანადო სიგნალი და ქალაქი უცებ გამოცოცხლდა. ისმის სიმღერა «დი დება», «ქართველო ხელი» და სხვ., მოსჩანს დროშები ეროვნული და შავი. ერთ ქუჩაში მოსჩანს ვაჟთა გიმნაზიელები, იქ მეორე მხრივ ქალთა გიმნაზიის, სემინარიის და შრომის სკოლის მოწაფენი.

*) ხელმოწერების სახელი და გვარი რედაქციაში ინახება.



დემონსტრანტებს წინ ელობება ჩეკისტები, მილიციონერები; დაშლის წინადადების შემდეგ ესერიან ზოგი მიწაზედ, ზოგიც ჰაერში. ქუჩებში ჩნდება რუსის წითელ არმიელები. ისმის გამუდმებით სროლა. ფეხზე დადგა მართველ პარტიის ცველა წევრები. განსაკუთრებით ერთგულებას იჩენენ რევკომისა და პარტკომის წევრები: ანდრო დოლიძე, თედო დოლიძე, ივლ. სურგულაძე, მ. მკურნალი და სხვები. დავრიენ მოწაფეებს და შეიქნა ხელჩართული ბრძოლა. სცემეს ბევრ მოწაფეს. მათ შორის განსაკუთრებით დაშავებულია მოწაფე ქადეიშვილი, რომელსაც შუბლი გახეთქილი აქვს და სახე დაბეჭული - დასიებული, თავგახეთქილია გრ. არონიშვიცი.

მიუხედავად ყველა ამ მხეცურ წინააღმდეგობისა, მოწაფეებმა მედგრად გასციეს წინ ძმათა სასაფლაოსკენ, ისმის ვაშას ძახილი, გაუმარჯოს საქართველოს დემ. რესპ. ძირს მტარვლები, სამშობლოს გამყიდველები და სხვ. გრძელდება ასე ორ საათამდე. მის შემდეგ დემონსტრანტები წითელ არმიელების მიერ ალყა შემოვრტყმული დატუსაღებულნი იქნენ. მრავალნი მოწაფე თვით შეუერთდა დატუსაღებულთ, ქუჩები შეკრულია. იჭერენ ცველა გამგულეთ, კერძო მოქალაქეთაც. რეპრესიები გრძელდება საღამომდე. დატუსაღებულთ ჩხრეკენ. გამჩხრეკეს თან ახლავს ჯარის-კაცები ტომრებით, სადაც აგროვებენ დატუსაღებულთაგან უკანტროლოთ ჩამოვთმეულ ფულს, საათებს, ბეჭედებს და ცველაფერს რაც კი აღმოაჩნდათ. ეს იყო ნამდვილი ძარცვის დღე. დაღამებისას დამშვიდებულნი შეუდგენ ტუსაღთა გადაცხრილვას. დატუსაღებული აღმოჩნდა სულ 1,000-დე მოწაფე და 300-დე გარეშე მოქალაქე. თვით დემონსტრაციაში მონაწილეობა მიიღო 4,800-დე მოწაფემ.

ლანჩხუთი. 11 თებ. საღამოს მოხდა საერთო ჰერა. ამითში დაიკირეს 5 მოწაფე (გიმნაზიელები) ორშაბათს 13 თებ. კომუნისტებს ეტყობოდა მღელვარება. რაში იყო საქმე არ იტოდენ. დაიწყეს ძალების გაძლიერება, სოფლებიდან მოიხმეს პარტიის წევრები.

14 თებერვალს დილით სასწავლებლის კარებში დაიკირეს რამოდენიმე მოწაფე. სასწავლებლის კარებში მილიციონერები იდგენ. ჯერ ყველა მოწაფეები არ შეგროვილიყვენ, რომ

მილიციონერებმა ერთი ჯგუფი დაატყვევეს და სკოლაში არ უშვებდენ. ამ დროს საქალებო გიმნაზიიდან მივიდენ მოწაფეები და შიგ მცოდნი გიმნაზიელები ქუჩაში დაირაზმენ, დროშა ამართეს და «დიდება» შემოსძახეს. მილიციონერები გაშეშდენ. ჯაშუშმა მოწაფე გოგიჩაიშვილმა ადმინისტრაციას აცნობა. მოვიდენ დიდძალი შეიარაღებული კომუნისტების რაზმები და ასტეხეს სროლა. მოწაფეები თავისას განაგრძობდენ. დედები და მამები ამხნევებდენ თავიანთ შვილებს და ეხმარებოდენ მათ მილიციონერების ცემაში. ერთმა მამამ თვითონ მობრიგვა კარგათ ერთი კომუნისტი და თოფი გადაუგდო. სროლის ქვეშ 1,000-ზე მეტი მოწაფე მიაღდა უმალ. დაწყ. სასწავლებელს. აქ კომუნისტურ რაზმმა მოკლა მე-8 კლასის მოწაფე ქობალავა (განსვენებულიის ძმა გვარდიელი სწორეთ შარშან ამა დღეს მოკლეს წითელი ხიდის მიდამოებში ბრძოლის დროს). 200 მოწაფე შერეკეს უმალეს სასწავლებლის შენობაში, დანარჩენი გაუფანტეს. მოწაფეები მაინც არ ცხრებოდენ, შეამწყვდიეს დარბაზში და შენობას რაზოდენიმეჯერ ზალკი მისცეს. სასწავლებლის ეზოში დაუდგეს პულიმიოტები და მოსთხოვეს მოწაფეებს მეთაურები. პასუხად «დიდებას» მღეროდენ. კომუნისტებმა შიგ ზალაში დაიწყეს მუხერებიდან სროლა. გამობრუნებული ტყვია მსროლელს მოხვდა მკლაფში.

საუცხოვეო სურათი იყო, როდესაც დედები თავიანთ შვილებს, როგორც ვაჟებს ისე ქალებს უშვებდენ დემონსტრაციაში და ამხნევებდენ. ვის რამდენი სცემეს ვინ იცის. ბევრი კომუნისტი მაგრად გალახეს. მოწაფეთაგან მოკლულია ერთი კობალავა და დაჭრილია ერთი. მოკლულის დასაფლავებისათვის ხალხი მზადებას შეუდგა, მაგრამ აკრალეს ხალხის მისვლა, მიცვალებულის ეზოში ტყვიისმფრქვეველები დადგეს და არავის უშვებდენ.

ლანჩხუთში 14 თებერვალს გამოაცხადეს სამხედრო წესები. როდესაც რუსის ბრონევიკი მოვიდა ადვილობრივმა კომუნისტებმა მას ჩააბარეს ძალა-უფლება. ადვილობრივი კომუნისტების დახმარებით მოქმედებდენ ბრონევიკის მეთაურები. როდესაც მოწაფეებს ბრონევიკის უფროსი დაემუქრა და ცემა დაუწყო, მოწაფეებმა უპასუხეს: დაგებოცეთ, ჩვენ კალ-

მით და წიგნებით ერთ შეიარაღებულნი, თქვენ კი თოფ-ზარბაზნებით, მაგრამ ჩვენ მაინც ვერ დავგიმორჩილებთო. დატუსაღებულ მოწაფეებს დაადგა თავზე ბრონევიკის უფროსი და ბევრი სცემა, მას ეხმარებოდა მისი თანაშემწე. ცემის და არეულობის დროს მოკლეს ბრონევიკის უფროსი.

ასეთსავე ამბებს ქონდა ადგილი მთელს გურიაში და თითქმის ასეთივე სურათი იყო შორაპნის მაზრაში და სხვაგან.

წერილი სიღნაღის მაზრიდან.

ერთი წელიწადი შესრულდა, რაც სიღნაღის მაზრაში შემოდებულ იქნა ახალი ფორმით ბატონყმობა. სიღნაღის მაზრის რამოდენიმე სოფლებში ძველათაც არ ყოფილა ბატონყმობა და ეს გარემოება განსაკუთრებულ ელფერს აძლევდა ამ მაზრის მცხოვრებთ, მაგრამ მოვიდნენ კომუნისტები და ბლომად მორეკეს რუსის ხიშტიანი ჯარისკაცები და ეხლა კი იგემეს ქიზიყელებმა თუ რა არის ბატონყმობა და თავისუფალი ხალხის მონებად გადაქცევა. ჩვენ არა გვგონია, რომ ქვეყნად კიდევ იყოს სადმე ისეთი კუთხე, სადაც ასე სრულიად უნიადაგონი იყვნენ კომუნისტები, როგორც სიღნაღის მაზრაში და საერთოდ კახეთში. სხვაგან იქნებ თითო-ორლა თანამგრძობი მაინცა ყავდეთ, აქ კი ამასაც მოკლებულნი არიან. ამას ხედავენ და გრძნობენ თვით კომუნისტებიც, მაგრამ რალა კომუნისტები იქნებოდნენ თუ იმას იტყვოდნენ, რაც ნამდვილად არის. პირიქით მთელ ქვეყანას აცრუებენ, რომ ხალხი მათ თანაუგრძნობს. კომუნისტების მუშაობა მაზრაში წავაგავს კომედიას. კომუნისტების საოკუპაციო ჯარების შემოსვლისთანავე საქართველოში, დიდძალ ჯარის-კაცებს მოუტარეს თავი სიღნაღის მაზრაში, დააბნაკეს მცხოვრებლების ბინებზე და მათვე დააკისრეს მათი კვება. მაზრის მცხოვრებნი კვებადღენ რუსეთიდან მოსულ დამშუულ ჯარის-კაცებს და ეს გრძელდება დღესაც. ამიტომ არის, რომ დღეს სიღნაღის მაზრის მცხოვრებთა 70% შიმშილობს. მაზრაში საშინლად გაფართოვდა ავაზაკობა. სძარცვავენ, ხოცავენ ხალხს და დღეღის მათი პასუხის მომთხოვი არავინ არის. ყაჩაღები ისე გათამამდნენ, რომ მიდიან ფურგუნებით საცარცველად და მოაქვთ ნაცარცი. ხალს ეს არ უკვირს და არც ჩივიან ვისთანმე, ამბობენ: ვისთან ვიჩივლოთ, მართვა-გამკვირვაში მათივე ხალხია და რა გამოვაო. და ეს ხდება აქ იმ დროს, როდესაც

სოფლები საცხეა წითელ არმიელებით დატუსაღებულ შეიარაღებულ ჩეკა-მილიციით. ხალხს უკმაყოფილებას და გაჭირვებას საზღვარი არა აქვს. ნატურალური გადასახადის აკრეფა რომ მაზრაში მართლა კომედია გამოუვიდათ. მაზრის მცხოვრებლებმა საერთო უარი გამოუცხადეს. ხალხი დასცინოდა მათ მიერ მოწოდებულ «სასურსათო კვირე»-ბის კომპანიას. ბოლოს იძულებულნი გახდნენ სრულიად შეემცილებინათ გადასახადი და გადაეხდებიან სრულიად უმნიშვნელო ნაწილი, მაგრამ მცხოვრებლებმა ამაზეც უარი განაცხადეს: ჩვენი ნებით არ გადავიხდით, მოდით და ძალათ წაიღეთ. და აი მოიყვანეს რუსის წითელ არმიელნი და მათი საშუალებით შეუდგნენ ნატურალური გადასახადის აკრეფას. საშინელი სურათი დატრიალდა; დატუსაღება, ცემა-ტყეპა, ჯარისკაცთა, ჩეკისტთა ჩაენება და ათასი სხვა თვითნებობა. ამ საშუალებით ფიქრობენ ნატურალური გადასახადის აკრეფას. კომუნისტების წინააღმდეგ ცველაზე ხმა-მალლა ლაპარაკობენ სოფლის უღარიბესი მცხოვრებნი. საშინელ გაჭირვებაში ჩაცვივდნენ და სამუშაოც ვეღარ უშოიათ, თუ ყავდათ ვინმე ისინიც აღარ დგებინ კომუნისტებთან და პარტიიდან გარბიან. რადგან ადგილობრივი ხალხი არა ყავთ, მაზრაში მუშაობს უმთავრესად მოსული ხალხი და, რომ ხალხი დაიმორჩილონ არ იზორებენ მაზრიდან რუსის წითელ არმიას. ხალხის ჭერას და შეურაცხყოფას აღარა აქვს საზღვარი. თუ ვისმეს რამე შეაგულეს, ან ავაზაკები გასცარცვავენ, ან და ჩეკისტები დაატუსაღებენ, მერე ქრთამს გამოართმევენ და გაანთავისუფლებენ. მიუხედავად ასეთი საშინელი რეპრესიებისა, მაზრაში ხალხი არ მალავს თავის უკმაყოფილებას და ხშირად ეუბნებიან: კმარა, გვეყოფათ თავხედობა, ახლა დროა წახვიდეთო.

11 თებერვალმა სრულიად დაუბნია დავთრები კომუნისტებს. თავიანთი სიმძაფრე უმაღლეს წერტილამდე აიყვანეს. ატუსაღებდნენ ცველას. მიუხედავად ამისა ხალხში სრული ერთობაა. უგზავნიან საქმელს დატუსაღებულებს და მათი დასჯა თავიანთ დასჯათ მიაჩნიათ. 25 თებერვალს ქიზიყის თითქმის ყველა ეკლესიის გუმბათებზედ ფრიალებდნენ ერთნული დროშები ზედწარწერებით «გაუმარჯოს ნოე უორდანიას». მთელი სიღნაღის მაზრის მცხოვრებნი გაერთიანებული, ელიან ოკუპანტებისაგან და ახალი ფორმის ბატონ-ყმობისაგან განთავისუფლებას.

გლები.

F 1294
1920

ბოლშევიკების მსყდობა.

სოფელ ჯუგანი (სიღნაღის მაზრა) 13 დეკემბერს ამოსწყვიტეს ხუთი ძმის ელაშვილების ოჯახი. არ დაინდეს არც ქალი, არც დედა, არც აკვანში ძუძუთა ბავშვი. ბრძოლის ველი საზარსანახაობას წარმოადგენდა, ამოხოცეს ჩვიდმეტი სული. თხუთმეტამდე ბოროტმოქმედს, რომელნიც მისულიყვნენ ვითომდა «გასაჩხრეკათ» შვილი დედის კალთაში დაეკლათ. ნამუს ახლილი დედები და პატარძლები ქმრების გვამებზედ აეჩეხათ.

ვინ რას ემართლებოდა მთელ ქიზიყში სახელგანთქმულს, პურმარილიანს ოჯახს ელაშვილებისას? განუყრელათ სცხოვრობდენ, საკუთარი მარჯვენით შრომობდენ. ერთს დიდ ოჯახს ჰყავდა თორმეტი მომუშავე ვაჟკაცი, რომ არ დაეთვალოთ მათი გმრჯელი ცოლები და შვილები. დღეს ეს ოჯახი დაიღუპა და ჩაქრა. ერთი კვირის წინ ამ ოჯახმა მთავრობის აგენტებს მიჰყიდა ღორი ორასი მილიონისა. ამ ფულმა თვალები აუჭრელა ჩეკისტებს. ჯერ მოკლეს თფილისში მომავალი ღორის მკიდველი, რადგან მან ფული პატრონს სიღნაღში არ ჩააბარა, როგორც ეს თავიდანვე უპარანახეს, ხოლო იმავე დამეს თავს დაესხნენ თვით ღორის პატრონებს. საწყალი გლეხები ეხვეწებოდნენ, ნუ დაგვზოცავთ და რაც გვაბადია ყველაფერი წაიდეთო, მაგრამ არ დაინდეს, რადგან მათ ყველას პირადათ ეს ოჯახი იცნობდა. ერთმა დაჭრილმა ძმამ ორი დღე კიდევ იცოცხლა და მან გამოაშკარავა თავდამსხმელთა ვინაობა. ადგილობრივ რეგოზს, სიღნაღის გამომძიებელს და ნათესავ-ნაცნობებს დაჭრილმა ელაშვილმა განუტყადა, რომ თავდამსხმელნი იყვნენ სიღნაღის ჩეკის მოხელენი ვანო ბაკალაშვილი, სოლიკო ნუკრიანელი და მისი ამხანაგებიო. დღესაც მთავრობის ეს მოხელენი თავისუფლად დღიან და მათვე აქვთ მიწოდობილი მისი გამომძიება.

აფხაზეთის აქმები.

სამურზაყანოს რაიონი. საბჭოების არჩევნები ამ რაიონში კომუნისტებმა დააგვიანეს. ეს იმით აიხსნება, რომ არსებულ ხელისუფლებით ხალხი მეტად უკმაყოფილოა; უკმაყოფილება თან და თან იზრდება. მთავრობის მოთხოვნილებებს ხალხი არ ასრულებს: მიუხედა-

ვით იმისა, რომ ცენტრიდან აუარებელი პროპაგანდისტები და აგენტები გაგზავნილი «პროდნალოგის» შესაკრებად, — ხალხი მათ მოწოდებას ყურადღებას არ აქცევს და გადახდაზე კატეგორიულ უარს აცხადებს. კომუნისტები კრებას კრებაზე მართავენ, ეწვეიან პროპაგანდა-აგიტაციას, მაგრამ ხალხი არ ესწრება მათ კრებას და კომუნისტებიც იმედ გაცრუებულნი რჩებიან.

ოჩამჩირე. ქ. ოჩამჩირეში საბჭოს არჩევნები 25 თებერვალს მოხდა. მენშევიკების დროს ამრჩეველთა რიცხვი 1.000 კაცი იყო. კომუნისტების არჩევნებს აქედან მხოლოდ ასამდე კაცი დაესწრო. ამათაც კომუნისტების სიას არავითარი ყურადღება არ მიაქციეს და თვითონ აირჩიეს ორი კომუნისტი და ორი უპარტიო: კომუნისტებს ეს არ მოეწონათ და არჩევნები გააუქმეს. ხალხის სულიერი განწყობილება და «პროდნალოგთან» დამოკიდებულება ისეთივეა, როგორც სამურზაყანოს რაიონში. 16 თებერვალს დაიჭირეს 17 მასწავლებელი მხოლოდ იმიტომ, რომ მათ მოითხოვეს ჯამაგირი, რაც რამოდენიმე თვეა არ მიუღიათ. 22 თებერვალს დაჭერილები გაანთავისუფლეს, მაგრამ 25-ის იხვე დაიჭირეს. 3 მასწავლებელი გაგზავნეს სუხუმის ციხეში, დანარჩენები კი ისევ გაანთავისუფლეს.

სუხუმის რაიონი. არჩევნებზე ხალხი არ ესწრება. კომუნისტების პროპაგანდისტები ათასგვარ ხერხს მიმართავენ, რომ ხალხი ჩაითრიონ არჩევნებში, მაგრამ მათი ცდა უშედეგოთ რჩება.

აფხაზეთის მთავრობამ სცადა საკუთარი ჯარის შედგენა, მაგრამ გაწვეული ჯარის კაცები მეორე დღესვე წავიდ-წამოვიდნენ თავიანთ სახლებში. ამ ქამად სუხუმში სდგას 300-400 რუსი ჯარის კაცი. ყავთ დაქირავებული მილიცია, მაგრამ ამაშიც ცოველ დეხის ნაბიჯზე გეხმის მთავრობის მიმართ უკმაყოფილება.

კომპარტიაში განხეთქილება. ერთი მხარეზეა ეშბას ჯგუფი, ხოლო მეორეზე ლაკობასი. პარტიულ დისციპლინას ყურადღებას არ აქცევენ. კომიტეტის ერთ-ერთი სხდომაზე რეგოლვერამდეც კი მისულა საქმე. განხეთქილება გამოწვეულია საქართველოს ორიენტაციის საკითხის გარშემო.

ოლქში ცოველ დღე მოდიან დამუშულები რუსეთიდან. მათი რიცხვი დღითი დღე იზრდება და საშიშ ხასიათს იღებს.